

НОРМА МАСЛАХАТЧИ

СОЛИҚЛАР БУХГАЛТЕРИЯ ҲУҚУҚ

2005 йил июлдан чиқа бошлаган

ТИНЧЛИК ВА ХАВФСИЗЛИКНИ МУСТАҲКАМЛАШ ЙЎЛИДАГИ ҲАМКОРЛИК



Шанхай ҳамкорлик ташкилоти тартиб-қондаларига биноан ҳар йили аъзо мамлакатлардан бири унга раис бўлади. 2009 йил Екатеринбург саммитидан кейин ШХТга раислик Ўзбекистон Республикасига ўтди. Таомилга биноан раислик қилувчи давлат ўз ҳудудида навбатдаги саммитни ташкил қилади.

Ўзбекистон Республикаси Президентининг Кўксарой қароргоҳида 11 июнь куни Шанхай ҳамкорлик ташкилоти Давлат раҳбарлари кенгашининг навбатдаги, ўнинчи мажлиси бўлиб ўтди.

ШХТ саммити ташкилотга аъзо давлатлар раҳбарларининг тор доирадаги учрашуви билан бошланди. Унда Ўзбекистон Республикаси Президенти Ислам Каримов, Қозоғистон Республикаси Президенти Нурсултон Назарбоев, Хитой Халқ Республикаси Раиси Ху Цзиньтао, Россия Федерацияси Президенти Дмитрий Медведев, Тожикистон Республикаси Президенти Имомали Раҳмон, Қирғизистон Республикаси ташқи ишлар вазири вазири вазифасини бажарувчи Руслан Казакбаев иштирок этди.

Музокарада ШХТ ва унинг органлари фаолиятини такомиллаштириш, ташкилотга аъзо давлатлар ўртасида сиёсий, савдо-иқтисодий ва гуманитар ҳамкорликни янада ривожлантириш, терроризм, диний экстремизм ва айирмачиликка, наркотик моддалар ва қурол-яроғ контрабандасига, оммавий қирғин қуролларининг тарқалишига қарши биргаликда курашиш, минтақавий хавфсизлик ва барқарорликни мустаҳкамлаш масалалари, Афғонистондаги вазият муҳокама қилинди.

ШХТ нисбатан қисқа вақт ичида нуфузли халқаро ташкилотга айланди. 2001 йил 15 июнь куни Хитойнинг Шанхай шаҳрида олти мамлакат раҳбарлари ШХТни тузиш тўғрисидаги декларацияга имзо чекдилар. Унинг доимий фаолият кўрсатувчи икки органи – Котибият ва Минтақавий аксилтеррор тузилмасини ташкил этишга келишиб олинди. Таъсис ҳужжати – Хартия 2002 йил 7 июнь куни Россиянинг Санкт-Петербург шаҳрида қабул қилинди. Шу тариқа ташкилот халқаро юридик мақомга эга бўлди.

ШХТ тузилганидан кейин кўплаб давлатлар унинг сафидан жой олиш истагини билдирди. Айни пайтда Ҳиндистон, Эрон, Мўғулистон ва Покистонга ШХТга кузатувчи мақоми берилган.

Ташкилотнинг фаолият кўламини кенгайтириш мақсадида 2005-2006 йилларда ШХТнинг Банклараро бирлашмаси, Ишбилармонлар кенгаши ва Форуми ташкил қилинди. Банклараро бирлашма минтақавий иқтисодий ҳамкорликни қўллаб-қувватлаш, кўшма лойиҳаларни молиялаштиришга хизмат қилади. Унинг доирасида шу вақтгача турли лойиҳалар учун умумий қиймати 742 миллион АҚШ долларига тенг сармоя жалб қилинган.

Ишбилармонлар кенгашининг асосий мақсад ва вазифалари ишбилармонлар ва

молия муассасаларининг бевосита алоқаларини йўлга қўйиш ва қўллаб-қувватлаш орқали иқтисодий ҳамкорликни ривожлантиришга қаратилган. Ноҳукумат орган ҳисобланувчи ушбу кенгаш аъзо мамлакатлар бизнес ҳамжамиятларининг йирик вакилларини ўз сафига бирлаштиради.

ШХТ Форуми илмий-тадқиқот ва сиёсатшунослик марказларини бирлаштирган ва экспертларнинг ўзига хос маслаҳатлашув механизми ҳисобланади.

Давлат раҳбарлари кенгашининг мажлисида Ўзбекистон Республикасининг ШХТга раислик давридаги фаолиятига юксак баҳо берилди. Бу вақт мобайнида Ўзбекистон ШХТнинг халқаро алоқаларини ривожлантириш, меъёрий-ҳуқуқий асосини мустаҳкамлаш, ШХТ Хартиясидаги мақсадлар, вазифалар ва тамойилларга мувофиқликни сақлаган ҳолда хавфсизлик ва барқарорликни таъминлаш билан боғлиқ ташаббусларни ишлаб чиқиш ва ҳаётга татбиқ этиш орқали ташкилот фаолияти самарадорлигини оширишга алоҳида эътибор қаратди.

Хусусан, Ўзбекистон Президенти ШХТ доирасида қарорлар қабул қилиш механизmlарини, ташкилот ва унинг тузилмалари фаолиятини такомиллаштиришга қаратилган қатор таклифларни илгари сурди. Тошкентда ШХТ ва БМТ котибиятлари ўртасида имзоланган Қўшма декларация Шанхай ҳамкорлик ташкилоти Минтақавий аксилтеррор тузилмаси билан Бирлашган Миллатлар Ташкилоти Контртеррористик қўмитаси ўртасидаги амалий алоқаларни ривожлантиришга йўл очади.

Ўзбекистон ШХТга аъзо давлатларнинг 2020 йилгача мўлжалланган кўп томонлама савдо-иқтисодий ҳамкорлик дастурини ижро этиш бўйича чора-тадбирлар режасини амалга оширишга алоҳида эътибор қаратмоқда. Хусусан, ШХТ учун транспорт коммуникацияларини ривожлантириш устувор масалалардан саналади. Е-40 халқаро маршрутини реконструкция қилишни имкон қадар тез якунига етказиш барча аъзо давлатлар учун муҳим аҳамиятга эга эканини инobatга олиб, Ўзбекистон бу йўлнинг ўз ҳудудидаги қисми бўйича мажбуриятларини тўла бажариб бўлди. Айни пайтда мамлакатимиз Е-40 халқаро маршрутининг марказида «Навоий» эркин ин-

дустриал-иқтисодий зонасини барпо этмоқда.

Давлат раҳбарлари ШХТ доирасида кўп томонлама ҳамкорлик стратегияси ва унинг устувор йўналишлари, жаҳон молиявий-иқтисодий инқирози таъсирини юмшатиш ва оқибатларини бартараф этишга, иқтисодий ва ижтимоий соҳалардаги алоқаларга оид долзарб масалалар юзасидан фикр алмашдилар.

Давлат раҳбарлари кенгашининг кенгайтирилган таркибдаги мажлисида бу масалалар, хусусан, кўп томонлама ва ўзаро манфаатли ҳамкорликни янада ривожлантириш, шунингдек, долзарб минтақавий ва халқаро масалалар кўриб чиқилди. Унда ШХТга аъзо давлатлар раҳбарлари билан бирга, кузатувчи мақомидаги мамлакатлар делегациялари раҳбарлари – Мўғулистон Президенти Цахиагийн Элбэгдорж, Покистон Ислам Республикаси Президенти Осиф Али Зардорий, Эрон Ислам Республикаси ташқи ишлар вазири Манучеҳр Муттақий, Ҳиндистон Республикаси ташқи ишлар вазири Соманахалли Малайя Кришна ҳамда саммит меҳмонлари – Афғонистон Ислам Республикаси Президенти Ҳамид Карзай, Туркменистон Президенти Гурбангули Бердимухамедов иштирок этди.

Шунингдек, мажлисда ШХТ Бош котиби Муратбек Иманалиев, ШХТ МАТТ Ижрочи директори Женисбек Жуманбеков, БМТ Бош котибининг ўринбосари Ян Кубиш, МДХ Ижроия қўмитаси раиси Сергей Лебедев, ОДКБ Бош котиби Николай Бордюжа, ЕврАзЭС Бош котибининг ўринбосари Мурат Мусатаев, АСЕАН Бош котибининг ўринбосари Саякан Сисовонг қатнашди.

Таъкидлаш жоизки, кузатувчи мамлакатлар билан қўшиб ҳисоблаганда, ШХТ инсониятнинг ярмини бирлаштиради. Бу эса унинг асосий фаолият йўналишлари – иқтисодий ҳамкорликни ривожлантириш ва минтақавий хавфсизликни мустаҳкамлашдаги салоҳиятини оширади.

Музокаралар якунида ШХТ Давлат раҳбарлари кенгаши ўнинчи мажлисининг декларацияси, ШХТга янги аъзоларни қабул қилиш тартиби тўғрисидаги низомни тасдиқлаш тўғрисидаги қарор, ШХТ процедуралари қондаларини тасдиқлаш тўғрисидаги қарор, ШХТ Бош котибининг Ташкилотнинг ўтган йил мобайнидаги фаолиятига оид ҳисоботини тасдиқлаш тўғрисидаги қарор, ШХТ МАТТ Кенгашининг МАТТнинг 2009 йилдаги фаолиятига доир ҳисоботини тасдиқлаш тўғрисидаги қарор имзоланди. ШХТ Давлат раҳбарлари кенгаши ўнинчи мажлиси якунлари тўғрисидаги ахборот қабул қилинди. Шунингдек, ШХТга аъзо дав-

латлар ҳукуматлари ўртасида қишлоқ хўжалиги соҳасида ва жиноятчиликка қарши курашишда ҳамкорлик тўғрисидаги битимлар имзоланди.

Ўзбекистон Республикаси Президенти Ислам Каримов оммавий ахборот воситалари вакиллари билан учрашувда мажлис ўзаро ишонч ва ҳурмат руҳида, ишчан кайфиятда ўтганини, эришилган келишувлар ШХТга аъзо давлатлар ва кузатувчи мамлакатлар манфаатларига хизмат қилишини таъкидлади. Президентимиз ШХТ тузилганидан буён ўтган даврдаги бутун фаолиятига баҳо берар экан, Ташкилотнинг очиклик, блокка айланмаслик хусусияти мустаҳкамланиб бораётганини, минтақавий ва халқаро ривожланишнинг долзарб муаммоларини ҳал этишда зиддиятли ёндашувларга йўл қўйилмаётганлигини алоҳида қайд этди.

– Биз кўп томонлама ва ўзаро манфаатли ҳамкорликни ҳар томонлама ривожлантириш масалаларини, минтақавий ва халқаро долзарб муаммоларни атрофлича кўриб чиқдик. Мажлис қатнашчилари Екатеринбург саммитидан Тошкент саммитигача бўлган даврда улкан ишлар амалга оширилганини, жумладан, Ташкилот фаолиятининг ҳуқуқий асосини мустаҳкамлаш, самарадорлигини ошириш, тизимли йўлга қўйиш борасида салмоқли натижаларга эришилганини алоҳида таъкидладилар. Хусусан, Ўзбекистон раислиги даврида БМТ Бош котиби Пан Ги Муннинг мамлакатимизга ташрифи чоғида 2010 йил апрель ойида Тошкентда БМТ ва ШХТ котибиятлари ўртасида ҳамкорлик тўғрисидаги Қўшма декларация имзоланди. Ишончим комилки, ушбу ҳужжатнинг қабул қилиниши ШХТ олдида турган вазифаларни ҳал этишда БМТ минбаридан янада фаолроқ фойдаланиш, жумладан, унинг доирасида ШХТга аъзо давлатларнинг манфаатларини ифодаловчи масалаларни биргаликда илгари суриш имконини беради, – деди Ислам Каримов.

ШХТ Бош котиби Муратбек Иманалиев барча иштирокчилар номидан саммит самарали ўтганини таъкидлаб, тадбирлар юксак савияда ташкил этилгани учун Ўзбекистон Республикаси халқи ва раҳбариятига самимий миннатдорлик билдирди.

Шу билан ШХТнинг Тошкент саммити якунига етди. У ШХТ тарихидан ташкилот фаолияти самарадорлигини ошириш, минтақавий ҳамкорлик ва хавфсизликни ривожлантириш йўлида муҳим келишувларга эришилган саммит сифатида алоҳида ўрин олишига шубҳа йўқ.

**ЎЗА МАТЕРИАЛИ АСОСИДА
ТАЙЁРЛАНДИ.**

УШБУ
СОҒДА

2-бет

**Қонун ҳужжатларига
қисқа шарҳ**

\$1 = 1585,55 сўм

3-бет

**Маслаҳатни
юрист беради**

€ 1 = 1942,07 сўм

4-бет

**Муштарий буюртмасига
биноан ҳужжат**

£1 = 2287,31 сўм

5-бет

**Биз корпоратив
карточка эгасимиз...**

¥10 = 173,76 сўм

ЯНГИ ҲУЖЖАТЛАРНИ ТАҚДИМ ЭТАМИЗ

Мазкур ва бошқа ҳужжатларнинг тўлиқ матни билан www.pogta.uz сайтидаги эркин кириладиган «Қонунчиликдаги янгиликлар» рукнида танишиб чиқишингиз мумкин.

НОТАРИАТ ТАКОМИЛЛАШМОҚДА

Вазирлар Маҳкамасининг 2010 йил 2 июндаги «Ўзбекистон Республикаси Президентининг «Ўзбекистон Республикасида нотариат институтини янада такомиллаштириш чоралари тўғрисида» 2010 йил 5 майдаги ПФ-4216-сон фармонини амалга ошириш чоратадбирлари ҳақида» 104-сон қарори билан Адлия вазирлигига хусусий амалиёт билан шуғулланувчи нотариуслар идоралари фаолияти тугатилиши муносабати билан улардан тегишли материаллар ва архивларни қабул қилиб олиш топширилди. Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармалари ҳузурида нотариал иш юритиш материаллари сақланишини ҳамда юридик ва жисмоний шахсларга маълумотномалар ва архив ҳужжатлари нусхалари берилишини таъминлайдиган нотариал архивлар ташкил этилади. 2010 йил охиригача республика минтақаларида банк пластик карточкалари орқали тўловлар қабул қилиш бўйича ҳисоб-китоб терминаллари ва назорат-касса машиналари билан жиҳозланган кўшимча равишда 220 та давлат нотариал идораси (уларнинг 55 таси Тошкентда) ташкил этилиши керак.

Ҳужжат билан Нотариал округда нотариуслар сонини белгилаш тартиби тўғрисидаги низом тасдиқланган бўлиб, унга мувофиқ ҳар бир нотариал округда камида битта нотариус лавозими таъсис этилади. Иккинчи ва ундан кейинги нотариуслар лавозимларини белгилашда округда охириги уч йилда амалга оширилган нотариал ҳаракатларнинг ўртача ойлик сони ва нотариал округдаги аҳоли сони ҳисобга олиниши керак. Бунда Тошкент шаҳри, Нукус шаҳри ва вилоят марказлари чегараларида белгиланган нотариал округларда нотариуслар лавозимлари сони 15 мингдан кўп бўлмаган аҳолига бир нотариус; вилоят бўйсунлишидаги шаҳарлар чегараларида белгиланган нотариал округларда – 25 мингдан кўп бўлмаган аҳолига бир нотариус; қишлоқ туманлари чегараларида белгиланган нотариал округларда – 30 мингдан кўп бўлмаган аҳолига бир нотариус ҳисобидан келиб чиқиб белгиланади.

Ҳужжат билан ҳукумат қарорларига ўзгартишлар киритилган, баъзилари эса ўз қучини йўқотган деб топилган.

ҲАММАСИ НАЗОРАТ ҲАҚИДА

Молия вазирлиги, Бош прокуратура ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаментининг қарори (АВ томонидан

2010 йил 28 майда 2036-1-сон билан рўйхатдан ўтказилган) билан Сугурталовчилар ва сугурта воситачилари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш бўйича ички назорат қоидаларига (рўйхат рақами 2036, 2009 йил 3 ноябрь) ўзгартиш ва қўшимчалар киритилди. Уларга мувофиқ бенефициар мулкдор бўлиб энди манфаати кўзланган ҳолда пул маблағлари ёки бошқа мол-мулк билан боғлиқ операция амалга ошириладиган юридик шахс билан бирга жисмоний шахс ҳам бўлиши мумкин.

Ташкилотнинг масъул шахси эндиликда жиноий фаолиятдан олинган даромадларни легаллаштиришга ва терроризмни молиялаштиришга қарши курашиш бўйича ички назоратни амалга ошириш натижасида олинган тегишли маълумотларни (материаллар, ҳужжатлар ва бошқалар) йиғиши, расмийлаштириши, сақлаши, уларнинг махфийлигини таъминлаши, шунингдек мижозни лозим даражада текшириш материалларига қўшиб қўйиладиган барча мураккаб, ғайриоддий йирик микдордаги операциялар, шунингдек иқтисодий ёки қонуний мақсадсизлиги аниқ бўлган операцияларни ғайриоддий амалга ошириш схемалари бўйича лозим даражада текшириш натижалари ва хулосаларини ёзма равишда қайд этиши шарт.

Ташкилот мижозга пул маблағлари ёки бошқа мол-мулк билан боғлиқ операцияларни амалга оширишни рад этиши керак бўлган ҳолатлар белгиланган бўлиб, уларга: мижознинг бошқарув органи ёки мижознинг номидан қонун ҳужжатларига мувофиқ иш кўраётган шахснинг ўзи жойлашган ери (почта манзили) бўйича мавжуд бўлмаганлиги; мижоз-жисмоний шахснинг ўзининг доимий ёки вақтинчалик яшаш жойи (паспорт маълумотларига мувофиқ) бўйича мавжуд бўлмаганлиги; шак-шубҳасиз нотўғри бўлган ҳужжатлар тақдим этилганда ёки қонун ҳужжатларига мувофиқ ташкилот томонидан сўраладиган ҳужжатлар тақдим этилмаганлиги; мижоз ва (ёки) бенефициар мулкдорни лозим даражада текшириш бўйича чора-тадбирларни амалга оширишни яқунлаш имкони бўлмаганлиги ва бошқа ҳоллар қиради.

2010 йил 7 июндан кучга кирди.

Молия вазирлиги, Бош прокуратура ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаментининг қарори (АВ томонидан 2010 йил 28 майда 2035-1-сон билан рўйхатдан ўтказилган) билан Аудиторлик ташкилотлари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш бўйича ички назорат қоидаларига (рўйхат рақами 2035, 2009 йил 3 ноябрь) киритилган ўзгартиш ва қўшимчаларга мувофиқ, аудиторлик компаниясининг масъул шахси раҳбарлик ла-

возимини эгаллаши ва аудиторлик ташкилотининг штатдаги аудитори бўлиши лозим. У мижозни лозим даражада текшириш материалларига қўшиб қўйиладиган барча мураккаб, ғайриоддий йирик микдордаги операциялар, шунингдек иқтисодий ёки қонуний мақсадсизлиги аниқ бўлган операцияларни ғайриоддий амалга ошириш схемалари бўйича лозим даражада текшириш натижалари ва хулосаларини ёзма равишда қайд этиши шарт.

Аудиторлик ташкилотлари қуйидаги ҳолатларда ҳам мижозларни лозим даражада текшириш бўйича чора-тадбирларни амалга оширишга мажбур: уларнинг фаолияти билан олдиндан танишувда; мижознинг ички назорат тизимини баҳолашда; ажратиб бўлмайдиган ва назорат таваккалчилигини баҳолашда.

2010 йил 7 июндан кучга кирди.

ҲИСОБ ҲУЖЖАТЛАРИ ЙЎҚОТИЛГАН ТАҚДИРДА

Давлат солиқ кўмитаси, Молия вазирлигининг қарори (АВ томонидан 2010 йил 31 майда 2110-сон билан рўйхатдан ўтказилган) билан Солиқ тўловчи томонидан ҳисоб ҳужжатлари йўқотилган ёки йўқ қилинган тақдирда бюджетга ва давлат мақсадли жамғармаларига тўланиши керак бўлган солиқлар ва бошқа мажбурий тўловлар суммасини аниқлаш тартиби тўғрисидаги низом тасдиқланди. Низомда белгиланишича, ҳисоб-китоб қилиш орқали аниқланган солиқлар ва бошқа мажбурий тўловлар суммаси солиқ солинадиган базани аниқлаш, солиқлар ва бошқа мажбурий тўловларни ҳисоблаш, уларни тўлаш тўғрисида талабнома бериш, маъмурий ва жиноий жавобгарлик чораларини қўллашда етказилган зарар микдорини аниқлаш, солиққа оид ҳуқуқбузарлик содир этилганда молиявий санкциялар микдорини ҳисоблаб чиқариш учун асос бўлиб ҳисобланади. Ҳисоб ҳужжатлари йўқотилган ёки йўқ қилинган тақдирда солиқ тўловчининг ҳаракатлари, ҳисоб ҳужжатлари бўлмаганда солиқ солиш объектлари ва солиқ солиш билан боғлиқ объект-



ларни аниқлаш тартиби, шунингдек ҳисоб-китоб қилиш орқали аниқланган солиқлар ва бошқа мажбурий тўловлар суммасини ҳисоблашнинг ўзига хос хусусиятлари белгиланган.

2010 йил 10 июндан кучга кирди.

ЖИСМОНИЙ ШАХС УЧУН ИМТИЁЗ

Молия вазирлиги, Давлат солиқ кўмитасининг қарори (АВ томонидан 2010 йил 4 июнда 2111-сон билан рўйхатдан ўтказилган) билан Ўзбекистон Республикаси Халқ банкидаги фуқароларнинг шахсий жамғариб бориладиган пенсия ҳисобварақларига ихтиёрий равишда йўналтириладиган маблағларга жисмоний шахслардан олинадиган даромад солиғи бўйича имтиёзни қўллаш тартиби тўғрисидаги низом тасдиқланди. Мазкур имтиёз жисмоний шахсларнинг солиқ солинадиган даромадларини Ўзбекистон Республикаси Халқ банкидаги фуқароларнинг шахсий жамғариб бориладиган пенсия ҳисобварақларига ихтиёрий равишда йўналтириладиган суммаларига камайтириш тарзида берилади. Солиқ чегирмаси даромад олувчи жисмоний шахснинг ушбу аризасига асосан тўлов манбаида тақдим этилади. Агар тўлов манбаига жисмоний шахслардан олинадиган даромад солиғини ушлаб қолиш ва ўтказиш мажбурияти юклатилмаган бўлса, солиқ чегирмаси жисмоний шахсга Солиқ кодексда назарда тутилган тартибда жисмоний шахснинг жами йиллик даромади тўғрисидаги декларациясига асосан тақдим этилиши мумкин.

2010 йил 14 июндан кучга қиради.

Меъёрий-ҳуқуқий ҳужжатларнинг қисқача шарҳлари 2010 йил 29 майдан 4 июнга қадар бўлган давр учун «Ўзбекистон Республикаси қонун ҳужжатлари тўплами»нинг 22-сонидан тайёрланди.

МДҲ ВА БОЛТИҚБЎЙИ МАМЛАКАТЛАРИ ВАЛЮТАЛАРИНИНГ АҚШ ДОЛЛАРИ, ЕВРО ВА РОССИЯ РУБЛИГА НИСБАТАН КУРСЛАРИ

Мамлакат	Сана	АҚШ доллари		Евро		Россия рубли	
		бирлиги	курси	бирлиги	курси	бирлиги	курси
Озарбайжон	11.06.2010	1	0,8037	1	0,9729	1	0,062
Арманистон	10.06.2010	1	375,47	1	452,70	1	11,86
Беларусь	11.06.2010	1	3018,00	1	3632,77	1	95,58
Грузия	11.06.2010	1	1,8871	1	2,2743	1	5,9767
Қозоғистон	11.06.2010	1	146,92	1	177,10	1	4,64
Қирғизистон	11.06.2010	1	46,1631	1	56,2615	1	1,4833
Латвия	11.06.2010	1	0,584	1	0,702804	1	0,0185
Литва	11.06.2010	1	2,8686	1	3,4528	10	9,0789
Молдова	11.06.2010	1	12,912	1	15,5551	1	0,4081
Тожикистон	11.06.2010	1	4,3814	1	5,3309	10	1,4024
Ўзбекистон	08.06.2010	1	1585,55	1	1942,07	1	51,03
Украина	11.06.2010	100	791,69	100	953,5906	10	2,5074
Эстония	10.06.2010	1	12,9799	1	15,6466	1	0,409946

Манба: www.prime-tass.ru

УШБУ
СОҒДА:

- ✓ УСТУВОРЛИКЛАР
- Тинчлик ва хавфсизликни мустаҳкамлаш йўлидаги ҳамкорлик **1-бет**
- ✓ ҚОНУНЧИЛИКДАГИ ЯНГИЛИКЛАР

- Янги ҳужжатларни тақдим этамиз
- Валюталар курси **2-бет**

- ✓ ЮРИДИК МАСЛАҲАТЛАР
- Мулк ҳуқуқига дахл қилувчи гаров **3-бет**

- ✓ БИЗНИНГ МАСЛАҲАТЛАР
- Буюртмачининг материалларидан **4-бет**
- ✓ ХЎЖАЛИК ҲУҚУҚИ
- Корпоратив ҳамённи кимга ишонса бўлади?

- Мол-мулк кимосди савдосида сотилмаслиги учун **5-бет**
- ✓ КАДРЛАР БЎЛИМИ
- Ишга қабул қилиш ва ишдан бўшатил **6-бет**
- ✓ top **7-8-бетлар**

МУЛК ҲУҚУҚИГА ДАХЛ ЭТУВЧИ ГАРОВ



Ташкилотимиз банкдан бизнесни ривожлантириш учун кредит олиб, гаров тариқасида мол-мулк қолдирди. Муайян вақт ўтгач гаровдаги мол-мулкни учинчи шахсларга реализация қилиш зарурати пайдо бўлди. Кредит тўлиқ сўндирилмаган, биз уни муддатидан аввал уза олмаймиз. Кредитни узмасдан туриб гаровдаги мол-мулкни реализация қилса бўладими?

Газетхон.



Банк билан ташкилот ўртасида лимитланган очик кредит линиясини тақдим этиш бўйича ахдлашувга эришилди, унга кўра ташкилот ўзига қулай бўлган исталган вақтда лимит доирасида кредит олиш ҳуқуқига эгадир. Бунда барча кредитлар битта ипотека шартномаси билан таъминланади. Гаров шартномаси тузилаётганда гаровдаги мол-мулк баҳоланди (ипотека шартномаси суммаси). Ипотека шартномасига кўра гаровдаги ашё тақдим этилган лимит суммасидан ошмайдиган миқдорда келажакда тарафлар томонидан тузилган кредит шартномалари бўйича юзага келадиган мажбуриятларни таъминлаши мумкин. Ипотека шартномасида айни қандай кредитлар бўйича кўчмас мулк кредит шартномаларининг таъминоти сифатида гаровга қўйилиши кўрсатилади. Тарафлар қўшимча битимлар тузиш йўли билан ипотека шартномаси қоидаларига ўзгартишлар киритиш, яъни ипотека билан таъминланган мажбуриятларни ўзгартириш (янгидан тузилган ва ижро этиб бўлинган кредит шартномаларининг санаси ва рақамларини алмаштириш) ниятидалар.

Нотариуслардан бирининг оғзаки маслаҳатига кўра мазкур қўшимча битимлар нотариал тасдиқланганда ЭКИХ бир бараварининг 25% миқдорида давлат божи ставкаси қўлланиши керак. Айнан ҳозир бу нотариусга мурожаат қилиш имконияти мавжуд эмас. Ташкилот бошқа нотариал идорага мурожаат қилди, у шартнома суммасининг 0,1% миқдорида ставкани қўллашни талаб қиляпти. Бу эса ташкилотни қаноатлантирмапти, чунки гаров шартномаси нотариал тасдиқланаётгандаёқ шартнома суммасининг 0,1% ставкасида давлат божи тўланган эди.

Шу муносабат билан бизда қуйидаги саволлар пайдо бўлди.

Ипотека шартномасига қўшимча битимларни кейинги гаровнинг айрим шартномалари деб баҳолаш мумкинми? Уларни баҳоланган шартномаларга киритиш керакми?

Ипотека шартномасига қўшимча битимларни нотариал тасдиқлаётганда давлат божининг қандай ставкасини қўллаш керак?

МЧЖ директори.

1. Гаров билан боғлиқ ҳуқуқий муносабатлар Фуқаролик кодекси (ФК)нинг 264-289-моддалари, «Гаров тўғрисида»ги Қонун (1998 йил 1 майдаги 614-1-сон Қонун таҳририда), «Ипотека тўғрисида»ги Қонун (2006 йил 4 октябрдаги ЎРҚ-58-сон) ва бошқа меъёрий-ҳуқуқий ҳужжатлар билан тартибга солинад.

ФК 277-моддасининг иккинчи қисмига кўра агар қонунда ёки шартномада бошқача тартиб назарда тутилган бўлмаса ва гаровнинг моҳиятидан англашилмаса, гаровга қўювчи фақат гаровга олувчининг розилиги билан гаров нарсадини бошқа шахсга беришга, уни ижарага ёки бепул фойдаланиш учун бошқа шахсга топширишга ёхуд уни бошқача тарзда тасарруф этишга ҳақли.

Яъни гаровга олувчи банк гаровдаги мол-мулкни сотишга ўз розилигини бериши керак. Агар шартномада гаров нарсадини учинчи шахсларга беришнинг бошқа шартлари назарда тутилган бўлса, уларга амал қилиш лозим.

ФК ва «Гаров тўғрисида»ги Қонунга кўра, гаровга олувчининг розилиги олинганда гаровга қўювчи қуйидагича йўл тутishi мумкин:

гаровдаги мол-мулкни гаровга қўйилган бошқа, тенг қимматли мол-мулкка алмаштириш («Гаров тўғрисида»ги Қонуннинг 13-моддаси), кейин эса уни учинчи шахсларга бериш;


гаровдаги мол-мулкни олувчи гаровга қўювчининг ўрнига ўтади ва гаровга қўювчининг барча мажбуриятларини бажаради деган мажбурий шарт билан мол-мулкни реализация қилиш («Гаров тўғрисида»ги Қонуннинг 16-моддаси).

Сўз гаровдаги кўчмас мол-мулк тўғрисида бораётганлиги боис «Ипотека тўғрисида»ги Қонунга амал қилиш керак, у фақат ипотека нарсадини олган шахс ипотека қўювчининг ўрнини эгаллаган ва унинг барча мажбуриятларини бажарган тақдирдагина уни учинчи шахсларга бериши (олди-сотди, ҳада, айирбошлаш ва ҳоказо) назарда тутлади («Ипотека тўғрисида»ги Қонун 25-моддасининг биринчи қисми).

Шуни таъкидлаш зарурки, ипотекани давлат рўйхатидан ўтказиш кўчмас мулкка бўлган ҳуқуқларни ва уларга доир битимларни давлат рўйхатидан ўтказиш учун белгиланган тартибда бинқлар (иншоотлар) гарови давлат реестрига тегишли ёзув киритиш орқали амалга оширилади. Ипотека билан таъминланган мажбурият мазмуни навбатдаги ипотека билан ўзгартирилганда, шунингдек ипотека нарсага бўлган мулк ҳуқуқи ёки бошқа ашё-

вий ҳуқуқлар бу мол-мулкни ҳақ эвазига ёхуд ҳақ олмасдан тасарруфдан чиқарилиши натижасида ёки универсал ҳуқуқий ворислик тартибиде ипотекага қўювчидан бошқа шахсга ўтказилганида гаров (ипотека) қўшимча равишда давлат рўйхатидан ўтказилади. Мазкур талабнинг бажарилмаслиги гаров (ипотека) билан таъминланган мажбуриятда амалга оширилган ўзгаришлар ҳақиқий эмаслигини келтириб чиқаради («Ипотека тўғрисида»ги Қонуннинг 13-моддаси).

«Ипотека тўғрисида»ги Қонун 26-моддасининг иккинчи қисмига кўра ипотека тўғрисидаги шартнома бўйича гаровга қўйилган мол-мулк ипотекага олувчининг розилигисиз тасарруфдан чиқарилган тақдирда, агар ипотека тўғрисидаги шартномада бошқача тартиб назарда тутилмаган бўлса ёки агар ипотекага қўювчининг бундай ҳуқуқи гаров хатида назар-



да тутилмаган бўлса, ипотекага олувчи ўз танловида кўра:

гаровга қўйилган мол-мулкнинг тасарруфдан чиқарилиши тўғрисидаги битимни ҳақиқий эмас деб топишни;

ипотека билан таъминланган мажбуриятнинг муддатидан олдин бажарилишини ва кимга тегишлилигидан қатъи назар, ундирувни гаровга қўйилган мол-мулкка қаратишни талаб қилишга ҳақлидир.

Бу ҳолда, агар ипотека тўғрисидаги шартнома бўйича гаровга қўйилган мол-мулкни олувчи уни олаётган пайтда мол-мулк тасарруфдан чиқарилаётганлигини билганлиги ёки билиши лозим ҳам бўлганлиги исботланса, бундай олувчи ипотека билан таъминланган мажбурият бажарилмаганлиги учун шу мажбурият бўйича мазкур мол-мулк қиймати доирасида қарздор билан солидар жавобгар бўлади. Агар гаровга қўйилган мол-мулк кўрсатилган талаблар ипотека билан таъминланган мажбурият бўйича қарздор бўлмаган ипотекага қўювчи томонидан бузилган ҳолда тасарруфдан чиқарилган бўлса, мол-мулкни олувчи ҳам, дастлабки ипотекага қўювчи ҳам бу қарздор билан солидар жавобгар бўладилар.

2. Сиз баён этган вазиятни тузилган ипотека шартномаси ва унга доир битимлар қоидаларини ўрганмасдан туриб навбатдаги ипотека деб қараш мумкинлиги тўғрисидаги саволга қатъий жавоб бериш қийин. Бир мажбурият бажарилишини таъминлаш учун ипотека тўғрисидаги шартнома бўйича гаровга қўйилган мол-мулк (олдинги ипотека) ўша ёки ўзга қарздорнинг бошқа мажбурияти бажарилишини таъминлаш учун ўша ипотекага олувчининг ўзига ёхуд бошқа ипотекага олувчига гаровга берилиши навбатдаги ипотека бўлиб ҳисобланади («Ипотека тўғрисида»ги Қонун 29-моддасининг биринчи қисми). Шу сабабли, агар дастлабки ипотека бўйича кредит шартномалари «бошқа мажбуриятлар» сифатида баҳоланса, қўшимча битимларни навбатдаги ипотекага киритиш мумкиндек бўлиб туолади. Бироқ «Ипотека тўғрисида»ги Қонун 29-моддасининг маъносидан келиб чиқилса, янги шартнома тузилган тақдирдагина навбатдаги ипотека вуҷудга келиши мумкин.

Ипотекага қўювчининг бошқа мажбурияти бўйича навбатдаги ипотека, агар биргина гаровдаги мол-мулк биргина ипотекага олувчига берилса, хусусиятига кўра гўё олдинги ипотеканинг қўшимчаси ҳисобланади деган фикр мавжуд.²

Бироқ қонун томонидан бундай вазият аниқ тартибга солилмаган. Шу сабабли қонун ҳужжатларига, агар ипотека нарса, ипотекага қўювчи ва ипотекага олувчи олдинги ипотекадагидек ҳисоблансалар, навбатдаги ипотекага йўл қўймайдиган ўзгартишлар киритиш мақсадга мувофиқдир.

ФК 382-моддасининг биринчи қисмига ва 384-моддасининг биринчи қисмига мувофиқ, агар қонун ҳужжатлари, шартнома ёки амалий муомала одатларидан бошқа нарса келиб чиқмаса, тарафларнинг келишуви бўйича амалга ошириладиган шартномани ўзгартишлар ва қўшимчаларга асосий шартномага қўйилганидек талаблар қўйилади. «Ипотека тўғрисида»ги Қонуннинг 10-моддасига кўра ипотека нарса баҳоланиши керак.

Давлат божи ставкалари³ билан гаров (ипотека) шартномаларини тасдиқлаш учун шартнома суммасининг 0,1 фоизи миқдорида давлат божи назарда тутилган. Тегишинча, ФК 384-моддаси биринчи қисмининг маъносидан келиб чиқилса, ипотека шартномасига қўшимча битимларни нотариал тасдиқлаш ипотека шартномасининг ўзидагидек тартибда амалга оширилади, яъни уларга нисбатан шартнома суммасининг 0,1 фоизи миқдорида ставка қўлланади.

Абдурахмон БАХТИЕВ,
«Норма» МЧЖ юристи.

Ўзбекистон Республикаси Олий Мажлиси ҳузуридаги Нодавлат нотижорат ташкilotларини ва фуқаролик жамиятининг бошқа институтларини қўллаб-қувватлаш жамоат фонди ГРАНТЛАР ОЛИШ УЧУН ТАНЛОВ ЭЪЛОН ҚИЛАДИ

1. Ўзбекистон Республикасининг нодавлат нотижорат ташкilotларидан ва фуқаролик жамиятининг бошқа институтларидан «Баркамол авлод» Давлат дастурининг амалга оширилишига қаратилган, қуйидаги мавзулардаги лойиҳалар кўриб чиқиш учун қабул қилинади:

соғлом авлодни шакллантириш, соғлом болаларни тарбиялаш масалалари юзасидан аҳоли ўртасида тушунтириш ишларини кучайтириш;

ёшларда соғлом ва аҳил-иноқ оила қуришга интилишни шакллантириш;

аҳолини иш билан таъминлаш ва халқ фаровонлигини оширишнинг муҳим йўналиши сифатида кичик ва оилавий бизнесни, хусусий тадбиркорлик ва касаначиликни, халқ хунармандчилигини ривожлантиришни янада рағбатлантириш ва бу соҳадаги мавжуд муаммоларни ҳал этиш.

Битта лойиҳа бўйича ажратиладиган энг катта грант миқдори – 10 млн сўм.

2. Ўзбекистон Республикасининг нодавлат нотижорат ташкilotларидан ва фуқаролик жамияти бошқа институтларидан ижтимоий аҳамиятга молик вазибаларни рўёбга чиқаришга, аҳолининг атроф муҳитни муҳофаза қилиш, мамлакатимиз минтақаларидаги экологик вазиятни соғломлаштириш борасидаги ижтимоий фаоллигини таъминлашга қаратилган, қуйидаги мавзулардаги лойиҳалар кўриб чиқиш учун қабул қилинади:

аҳолининг ижтимоий фаоллигини ошириш, уни иш билан таъминлаш, шу жумладан олис жойларда, қишлоқларда касбга ўқитишни яхшилаш;

аҳолини тоза ичимлик суви билан таъминлашга, ерларнинг мелиоратив ҳолатини яхшилашга, шўрини камайтиришга, сув, ер ресурслари ва ер қаъридан оқилонга фойдаланишга кўмаклашиш.

Битта лойиҳа бўйича ажратиладиган энг катта грант миқдори – 8 млн сўм.

Ҳужжатлар ушбу эълон оммавий ахборот воситаларида эълон қилинган кундан эътиборан бир ой мобайнида қабул қилинади. Ҳужжатлар 2010 йил 30 июнь соат 16-00 га қадар қабул қилинади.

Танловда давлат рўйхатига олинган нодавлат нотижорат ташкilotлари ва фуқаролик жамиятининг бошқа институтлари иштирок этиши мумкин.

Танлов бўйича ҳужжатлар муҳрланган (ёпиқ) конвертда (А4 формат): 100035, Ўзбекистон Республикаси Олий Мажлиси ҳузуридаги Нодавлат нотижорат ташкilotлари ва фуқаролик жамиятининг бошқа институтларини қўллаб-қувватлаш Жамоат фонди номига (CD дискда электрон кўринишдаги нусхаси билан) юборилиши шарт.

Танловнинг республика ҳудудларидан иштирок этувчилари ҳужжатларни қуйидаги электрон манзилларга юборишлари мумкин:

grant-7-ngo@inbox.ru (1-танлов бўйича);

grant-8-ngo@inbox.ru (2-танлов бўйича).

Барча матнли ҳужжатлар Times New Roman 14 шрифтида тайёрланиши керак.

Танловда иштирок этиш шартлари ва танлов ҳужжатлари намуналари билан Фонднинг қуйидаги расмий сайтыда: www.fundngo.uz, шунингдек Ўзбекистон Республикаси Олий Мажлиси ҳузуридаги Нодавлат нотижорат ташкilotлари ва фуқаролик жамиятининг бошқа институтларини қўллаб-қувватлаш Жамоат фондининг ижрочи девонида танишиш мумкин (тел.: 239-26-76).

¹ФК 265-моддасининг учинчи қисмига мувофиқ кўчмас мулкни гаровга қўйиш ипотека собланади.

²Н.Жўраев ва бошқалар. Ипотека: шарҳлар ва мақолалар тўплами. – Тошкент, 2008 – 64-бет.

³Вазирлар Маҳкамасининг 1994 йил 3 ноябрдаги 533-сон қарори билан тасдиқланган.

БУЮРТМАЧИНING МАТЕРИАЛЛАРИДАН

МЧЖ уяли алоқа тармоғини ривожлантириш бўйича бош пудрат ташкилоти бўлиб, пудратчиларни умумқурилиш ва антенна-мачта иншоотларини бунёд этиш бўйича махсус ишларни бажариш учун жалб этади. Бунда у пудратчиларга юкхатларга асосан баъзи мавжуд ва янги харид қилинадиган материаллар ва маҳсулотларни қайта ишлашга бериб, бунда уларга эгаллик ҳуқуқини сақлаб қолади.

Тушунтириб берсангиз, ўзаро ҳисоб-китобларда буюртмачи томонидан пудратчига берилган материалларнинг қиймати бажарилган ишлар (қилинган харажатлар) маълумотнома-ҳисобварақ-фактурасида ҳақ тўлашдан қандай чиқариб ташланиши керак:

пудратчининг бошқа харажатлари қийматини қайта ишлашга берилган материалларга ҳисоблаб ёзмасданми?


пудратчининг бошқа харажатлари қийматини қайта ишлашга берилган материалларга ҳисоблаб ёзими?

У.Доган,
Молия директори.

– Объектлар қурилатганда бажарилган ишлар (қилинган харажатлар) тўғрисидаги маълумотнома-ҳисобварақ-фактурани тўлдириш чоғида сиз Қурилиш соҳасида ислохотларни амалга ошириш ва фаолиятни лицензиялашни мониторинг қилиш бўйича республика комиссиясининг 2009 йил 2 февралдаги 1-сон баённомасига 2-иловага амал қилишингиз керак. Унинг 7-бандида шундай деб белгиланган: қурилиш-монтаж ишлари амалга оширилатганда пудратчи (ёрдамчи пудратчи) томонидан буюртмачи (бош пудратчи)нинг материалларидан фойдаланилганида, ҳисобварақ-фактуралар, юкхатлар ва бошқа бирламчи ҳужжатлар бўйича бериладиган материаллар объект қурилишига доир ресурс смета меъёрларида ҳисобга олиниши ҳамда пудрат (ёрдамчи пудрат) ташкилотининг омбор ва бухгалтерия ҳисобида кирим қилиниши керак.

ШНК 4.01.16-04 нинг 4.19-бандига мувофиқ буюртмачи (бош пудратчи) томонидан берилган материалларнинг қиймати бажарилган ишлар ҳажмларига киритилиб, уларга пудратчи (ёрдамчи пудратчи)нинг «бошқа харажатлари» ҳисоблаб ёзилади. Бунда бажарилган ишлар якунида уларнинг қийматини пудратчининг «бошқа харажатлари» қийматига ҳисоблаб ёзмасдан воситаларнинг қайтарилиши кўрсатилади.

Жавобни «Norma Ekspert» гуруҳи мутахассислари тайёрладилар.



Хорижда

ХАРАЖАТЛАР ЧИҚАРИЛГАН ДАРОМАДЛАР

2010 йил 1 январдан бошлаб РФнинг Нижний Новгород вилоятида иқтисодийнинг айрим тармоқларини рағбатлантириш учун солиқ солиш объекти «харажатлар чиқарилган даромадлар» бўлган, солиқ солишнинг содда-лаштирилган тизимидаги солиқ тўловчиларнинг айрим тоифалари учун ягона солиқнинг имтиёзли ставкалари белгиланди.

Имтиёзли ставка қуйидаги фаолият турларига татбиқ этилади: қурилиш, халқ бадийи хунармандчилиги буюмларини ишлаб чиқариш, ишлов бериладиган ишлаб чиқариш.

Сайёҳлик агентликлари, ёшларнинг сайёҳлик лагерлари ва тоғдаги сайёҳлик базалари, болалар лагерлари (таътилар даврида), кемпинглар, пансионатлар, дам олиш уйлари, санаторий-курорт муассасалари ҳам солиқ имтиёзига эга бўлдилар. Солиқ тўловчиларнинг ушбу тоифалари учун солиқ ставкаси 2010 йилда 7 фоиз миқдорда белгиланади. Яъни амалда пасайиш 8 фоизни ташкил қилади. Имтиёз олиш шартлари: мазкур фаолият турлари бўйича товарлар ёки хизматларни реализация қилишдан тушум корхона тушуми умумий ҳажмининг 70 фоизидан кам бўлмаслиги керак (халқ бадийи хунармандчилиги корхоналари учун – 50 фоиз). Кўрсатилган корхоналар ходимларининг иш ҳақи эса энг кам иш ҳақи (ЭКИХ*)-нинг 2,5 бараваридан кам бўлмаслиги керак.

*1 ЭКИХ ≈ 4 330 рубль.

САВДОНИ ТАРТИБГА СОЛИШДИ

Шу йилнинг 1 февралдан бошлаб Россияда кўп баҳс-низоларга сабаб бўлган, «Россия Федерациясида савдо фаолиятини давлат томонидан тартибга солиш асослари тўғрисида»ги федерал қонун кучга кирди. Унга мувофиқ тармоқларга уларнинг бозордаги улуши 25 фоизни ташкил қиладиган минтақада янги дўконлар очишлари тақиқланди. Мол етказиб берувчилардан олиннадиган маҳсулот ҳажмлари учун мукофот миқдори энди 10 фоиз билан чекланади. Қонунда, агар 30 календар кун мобайнида уларда чакана нархларнинг ўсиши 30 фоиз ва ундан кўпни ташкил қилса, ҳукуматга ижтимоий аҳамиятга эга озиқ-овқат товарларининг айрим турларига 90 кунгача бўлган муддатга чегараланадиган чакана нархлар белгилаш ҳуқуқини берадиган модда ҳам бор.

Ушбу қонун лойиҳаси ишлаб чиқиш босқичидаёқ низога сабаб бўлган эди. Амалда у бир неча қонун лойиҳасининг аралашмаси бўлди. Биринчи лойиҳани Иқтисодий ривожланиш вазирлиги тайёрлаган ва у ишлаб чиқарувчиларни қўллаб-қувватлашга йўналтирилган эди. Иккинчи лойиҳани Саноат ва савдо вазирлиги мутахассислари ишлаб чиқиб, у ритейлерларнинг манфаатларини қаттиқ ҳимоя қиларди. Бир неча йилги муҳокама-лар ва келишувлардан кейин ҳужжатни Давлат думаси 2009 йил сентябрдаги биринчи ўқишда маъқуллаштирди. Уни иккинчи ўқиш икки марта орқага сурилди. 2009 йил декабрининг охирида Савдо тўғрисидаги қонун учинчи, узил-кесил, ўқишда қабул қилинди.

Хорижий матбуот материалларидан.

ИЛТИМОСИНГИЗГА БИНОАН ҲУЖЖАТ

Қурилиш соҳасида ислохотларнинг амалга оширилиши ва фаолиятни лицензиялаш мониторинги бўйича Республика комиссиясининг 2009 йил 2 февралдаги 1-сон баённомасига 2-ИЛОВА

ОБЪЕКТЛАР ҚУРИЛИШИДА БИРЛАМЧИ ҲИСОБ ШАКЛИ «БАЖАРИЛГАН ИШЛАР (ҚИЛИНГАН ХАРАЖАТЛАР) ТЎҒРИСИДА МАЪЛУМОТНОМА-ҲИСОБВАРАҚ-ФАКТУРА»НИ ТЎЛДИРИШ БЎЙИЧА КЎРСАТМАЛАР*

1. «Бажарилган ишлар (қилинган харажатлар) тўғрисида маълумотнома-ҳисобварақ-фактура» (бундан кейин – «Маълумотнома-ҳисобварақ-фактура») танлов (тендер) савдоларининг натижалари бўйича амалга ошириладиган инвестиция лойиҳаларини (лойиҳалаш, қурилиш, реконструкция қилиш, капитал таъмирлашга доир) амалга оширишда, қурилиш «тайёр қилиб топшириш» усули билан, бевосита шартномалар бўйича олиб борилганда, шунингдек бир вақтнинг ўзида лойиҳа ҳужжатларини ишлаб чиқиш (параллель лойиҳалаштириш) билан бирга объектлар қурилишида тўлдирилади ва буюртмачи томонидан расмийлаштирилган, капитал қурилишда бирламчи ҳисоб ҳужжати ҳисобланади.

2. «Маълумотнома-ҳисобварақ-фактура» буюртмачи, қурилиш пудрат ва ҳўжалик юртиши (мулкчилик) шакллари ҳамда молиялаш манбаларидан қатъи назар қурилиш соҳасида фаолият юритаётган бошқа ташкилотлар томонидан расмийлаштирилади.

3. «Маълумотнома-ҳисобварақ-фактура» буюртмачининг пудратчи қурилиш ташкилотларига (бош пудратчи, ёрдамчи пудратчига) қурилиш-монтаж ишларининг бажарилган ҳажмлари учун ҳақ тўлаши, шунингдек уларни статистика ҳисоботида белгиланган шаклларда акс эттириши учун асос ҳисобланади.

4. «Маълумотнома-ҳисобварақ-фактура» пудратчи (ёрдамчи пудратчига) қурилиш ташкилоти томонидан бажарилган қурилиш-монтаж ишлари ҳажмларини физик

ва қиймат кўрсаткичларида акс эттириб, тузилган шартнома (контракт) шартларида қайд этилган ишларнинг босқичлари ва турлари бўйича тақсимлайди.

«Маълумотнома-ҳисобварақ-фактура» пудратчи қурилиш ташкилоти томонидан ҳисобот ойнанинг 27-қунига қадар тўлдирилади ва бажарилган ишлар ҳажмларини расмийлаштириш ҳамда тасдиқлаш учун буюртмачига берилади.

5. Объектлар «тайёр қилиб топшириш» усули билан қурилганда «Маълумотнома-ҳисобварақ-фактура» пудратчи қурилиш ташкилоти томонидан тўлдирилади ва буюртмачига бош пудратчи томонидан, ёрдамчи пудратчилар томонидан бош пудратчига объект қурилиши тугаганидан кейин тақдим этилади.

Бунда «тайёр қилиб топшириш» усули билан қуриш чоғида ажратиладиган (бўнак қилинадиган) маблағлардан фойдаланиши устидан мониторинг (кузатув)ни амалга ошириш мақсадида пудратчи томонидан «Объектни «тайёр қилиб топшириш» усули билан қуриш чоғида қилинган харажатлар қиймати тўғрисида маълумотнома» тўлдирилади ҳамда ҳар ойда буюртмачига ҳисобот ойнанинг 27-қунига қадар тақдим этилади.

6. Буюртмачи уч кун ичида пудрат ташкилоти тақдим этган «Маълумотнома-ҳисобварақ-фактура»ни кўриб чиқади ва уни расмийлаштиради, номувофиқликлар аниқланганда эса асосланган мулоҳазалари билан қайта ишлаш учун қайтаради.

7. Пудратчи (ёрдамчи пудратчи) томонидан қурилиш-монтаж ишлари чоғида буюртмачи (бош пуд-

ратчи) материалларидан фойдаланилган ҳолларда берилётган материаллар ҳисобварақ-фактуралар, юкхатлар ва ҳоказо асосида объект қурилишига доир ресурс смета меъёрларида ҳисобга олиниши ҳамда пудратчи (ёрдамчи пудратчи) ташкилотнинг омбор ва бухгалтерия ҳисобида кирим қилиниши керак.

ШНК 4.01.16-04 нинг 4.19-бандига мувофиқ буюртмачи (бош пудратчи) томонидан берилган материаллар қиймати бажарилган ишлар ҳажмларига киритилиб, уларга пудратчи (ёрдамчи пудратчи)нинг «бошқа харажатлари» ҳисоблаб ёзилади, бунда бажарилган ишлар якунида воситаларнинг қайтарилиши кўрсатилиб, пудратчи «бошқа харажатлари»нинг қиймати ҳисоблаб ёзилмайди.

8. Лойиҳалаш ташкилотлари томонидан мазкур «Маълумотнома-ҳисобварақ-фактура» лойиҳақидирув ишлари қиймати ва уни қурилиш объектларини лойиҳалаштириш топшириғига доир жадвалларга мувофиқ ўзлаштириш қисмида тўлдирилади.

9. «Маълумотнома-ҳисобварақ-фактура» қуйидаги тартибда тўлдирилади:

2-«Объектлар, ишлар босқичлари ва турларининг номи» устунда қурилиш объекти, ишлар босқичлари ва турларининг номи тузилган шартнома шартларига мувофиқ акс эттирилади;

3-«Ўлчов бирлиги» устунда танлов ёки лойиҳа ҳужжатлари таркибида тасдиқланган «Ресурсларнинг йиғма ҳисоб-китоби»га биноан ишлар физик ҳажмларининг ўлчов бирлиги акс эттирилади;

4 ва 5-устунларда тузилган шартнома шартларига мувофиқ ишлар босқичлари ва турларининг физик ҳажмлари кўрсатилиб, «жами» ва «шу жумладан жорий йилга» қисмларига тақсимланади;

6 ва 7-устунларда ишларнинг босқичлари ва турлари қиймати тузилган шартнома шартларига мувофиқ, шартномавий жорий нархларда, «жами» ва «шу жумладан жорий йилга» қисмларига тақсимланган ҳолда акс эттирилади;

8, 11 ва 14-устунларда бажарилган ишлар (қилинган харажатлар) физик кўрсаткичларда акс эттирилади;

9, 12 ва 15-устунларда бажарилган ишлар (қилинган харажатлар)нинг тегишинча бутун объект ёки жорий йилнинг ишлар ҳажмига фоизли нисбати кўрсатилади (ҳисоб-китоб формуласи шаклнинг ўзида келтирилган);

10, 13 ва 16-устунларда амалда бажарилган ишлар (қилинган харажатлар) қиймати шартномавий жорий нархларда акс эттирилади.

10. «Маълумотнома-ҳисобварақ-фактура» уч нусхада тузилади: буюртмачи, буюртмачига хизмат кўрсатадиган банк ва пудрат ташкилоти учун – бир нусхадан.

11. «Маълумотнома-ҳисобварақ-фактура»даги маълумотларнинг тўғри, тўлиқ ва ҳаққоний қайд этилиши учун жавобгарлик буюртмачи ва пудрат қурилиш ташкилоти зиммасига юкланади.

12. «Маълумотнома-ҳисобварақ-фактура»ни расмийлаштиришга доир ихтилофлар қонун ҳужжатлари билан белгиланган тартибда ҳал этилади.

*Илова таҳририят томонидан ўзбек тилига ўгирилган. Маълумотнома тусига эга.

КОРПОРАТИВ ҲАМЁННИ КИМГА ИШОНСА БЎЛАДИ?



Биз ташкилотимиз учун корпоратив пластик карта очдик. Бизда юзага келган саволларга жавоб берсангиз.

- 1. Ким моддий жавобгар шахс – корпоратив пластик картанинг эгаси бўлиши мумкин?**
- 2. Агар пластик карта ташкилот раҳбари номига очилган бўлса, ундан ташкилотнинг бошқа ходими фойдалана оладими? Бундан қандай қилиб юридик расмийлаштириш мумкин?**
- 3. Корпоратив картадан фойдаланган ҳолда молиявий операцияларни бажариш пайтида қандай ҳужжатлар расмийлаштирилади: фирма (ташкilot) билан шартнома тузиладими, товарлар харид қилишга (хизматлар кўрсатишга) ишончнома бериладими, олинган товарга (кўрсатилган хизматларга) ҳисобварақ-фактура ёзиладими?**
- 4. Ташкилот корпоратив пластик картадан фойдаланган ҳолда қандай молиявий операцияларни бажариши мумкин?**

Хурмат билан В.Лутовина.

– 1. Корпоратив пластик карта – юридик шахсга банк томонидан бериладиган, корпоратив банк картасини сақловчисига карта ҳисобварағида ҳисобда турган пул маблағларини тасарруф этган ҳолда товарлар, ишлар ёки хизматларни сотиб олиш учун нақд пулсиз шаклда тўловларни амалга ошириш ҳукуқини берувчи тўлов картаси (Юридик шахслар томонидан миллий валютадаги корпоратив банк карталаридан фойдаланиш тартиби тўғрисида Низом* 1-бандининг «а» кичик банди, бундан кейин – 1470-сон Низом). Юридик шахс ёки у ва

колат берган, юридик шахснинг банк билан шартномаси асосида корпоратив картадан фойдаланадиган шахс унинг сақловчиси бўла олади.

Корпоратив карта сақловчиси фақат ушбу юридик шахс билан тўлиқ моддий жавобгарлик тўғрисида шартнома тузган унинг ходими бўлиши мумкин. Меҳнат кодекси 203-моддасининг иккинчи қисмига мувофиқ тўлиқ моддий жавобгарлик, яъни ходимларга ишониб топширилган мол-мулкнинг камомади учун иш берувчига етказилган зарарни тўлиқ миқдорда қоплаш тўғрисида ёзма шартномалар 18 ёшга тўлган ва пул,

товар бойликлари ёки бошқа мол-мулкка бевосита хизмат кўрсатадиган ёхуд улардан фойдаланадиган ходимлар билан тузилади.

2. Корпоратив пластик карточка юридик шахснинг ўз номига ёки унинг ёзма илтимосига кўра ходим номига берилиши мумкин. 1470-сон Низомнинг 2-бандига мувофиқ уни сақловчи корпоратив банк картасининг олд томонида кўрсатилади.

Агар корпоратив пластик карточка ташкилот номига берилса, унинг ўзи масъул фойдаланувчиларни белгилашга ҳақлидир. Бундай шахсларнинг рўйхати корхона раҳбарининг буйруғи билан белгиланади. Уларнинг ҳар бири билан тўлиқ моддий жавобгарлик тўғрисида шартнома тузилади ва корпоратив карточкадан фойдаланишга ишончнома берилади.

Агар карточка ташкилотнинг муайян шахсига (масалан, раҳбарига) берилган бўлса, фақат у карточка сақловчиси сифатида пул маблағларини тасарруф этиши мумкин.

3. Корпоратив картадан фойдаланган ҳолда нақд пулсиз тўлов учун сарфланадиган пул маблағларидан уни сақловчи қатъиян белгиланган мақсадларда ҳисобот бериб фойдаланади. У карта олинган кундан бош-

лаб 10 кундан кечиктирмай юридик шахс бухгалтериясига корпоратив банк картаси воситасида сарфланган маблағлар тўғрисида ҳисобот тақдим этиши шарт.

Корпоратив банк картасидан хизмат сафари харажатларига ҳақ тўлаш учун фойдаланилганда сақловчи Ўзбекистон Республикаси ҳудудидаги хизмат сафарлари тўғрисидаги йўриқномага** мувофиқ хизмат сафаридан қайтгандан кейин 3 кун ичида бухгалтерияга ундан сарфланган суммалар тўғрисида ҳисобот топшириши шарт.

Бухгалтерияга тўлов учун қуйидаги ҳисобот ҳужжатлари тақдим этилади:

хизмат сафари харажатлари – терминаллар қвитанцияларининг асл нусхалари;

бошқа харажатлар – «Тўланган» штампи ва тўловни терминал орқали қабул қилган ходимнинг имзоси қўйилган ҳолда тегишли савдо ва сервис корхоналари кўрсатган хизматлар ҳақида тўловномалар ҳамда қвитанциялар илова қилинган терминалларнинг қвитанциялари;

хўжалик эҳтиёжлари учун майда улгуржи тарзда харид қилинадиган товарлар – товар тўловномалари илова қилинган ҳолда терминаллар қвитанцияларининг асл нусхалари.

Шу тариқа, юридик шахслар учун корпоратив карта ёрдамида товарларга ҳақ тўлашда энг муҳими ҳисобот ҳужжати – терминал қвитанциясининг асл нусхаси ҳисобланади. Агар юридик шахс, масалан, 15–20 минг сўмга ёзув-чизув қуролларини харид қилса, унга ҳисобот учун терминал қвитанциясининг асл нусхаси етарлидир. Агар у, мисол учун,

200 минг сўмга харид қилишни истаса, раҳбарият ҳам бунини шартнома ёрдамида амалга оширишни хоҳласа, юридик шахс, унда тўлов шаклини – корпоратив пластик карточка бўйича нақд пулсиз ҳисоб-китобни кўрсатган ҳолда товар харид қилишга шартнома тузишга ҳақлидир. Бу ҳолда ходим – пластик карточка соҳибига товар-моддий бойликларни олишга ишончнома берилади, уни товар олинганидан кейин у бухгалтерияга терминал қвитанцияси, юкхатнинг асл нусхаси (ёки унинг ўрнини босадиган ҳужжат) билан бирга тақдим этиши керак.

4. Корпоратив пластик карта ёрдамида харид қилинадиган, Маҳсулот (ишлар, хизматлар)ни ишлаб чиқариш ва сотиш харажатларининг таркиби ҳамда молиявий натижаларни шакллантириш тартиби тўғрисида Низомда*** назарда тутилган юридик шахснинг ишлаб чиқариш-молия фаолияти учун зарур бўлган товарлар, ишлар ва хизматларга (ёзув-чизув қуроллари, корхона автотранспорти учун бензин, телефон алоқаси, шу жумладан уяли алоқа, меҳмонхоналар хизматлари, хизмат сафари харажатлари, авиачипталар) нақд пулсиз шаклда ҳақ тўланиши мумкин.

Корпоратив банк карталари воситасида нақд пул берилишига йўл қўйилмайди. Корпоратив банк картасига уни сақловчига тўланадиган иш ҳақи ва унга тенглаштирилган тўловлар, пенсиялар, нафақалар, стипендиялар ва дивидендларни ўтказишга йўл қўйилмайди (1470-сон Низомнинг 11-банди).

Елена ЕРМОХИНА,
«Norma» МЧЖ
эксперт-юристи.

*МБ бошқарувининг АВ томонидан 2005 йил 18 апрелда 1470-сон билан рўйхатдан ўтказилган қарори билан тасдиқланган.

**МВ ва МАИМКВнинг АВ томонидан 2003 йил 29 августда 1268-сон билан рўйхатдан ўтказилган қарори билан тасдиқланган.

***Вазирлар Маҳкамасининг 1999 йил 5 февралдаги 54-сон қарори билан тасдиқланган.

МОЛ-МУЛК КИМОШДИ САВДОСИДА СОТИЛМАСЛИГИ УЧУН

ИШНИНГ МОҲИЯТИ

Суд қарорларини ижро этиш департаменти* қарздор субъектнинг кўчмас мулкни хатлади ва уни кимошди савдосида хусусий корхонага сотди. Бунга қўшилмаган қарздор кўчмас мулк олди-сотдиси бўйича битимни ҳақиқий эмас деб топиш тўғрисида даъво аризаси топширди. Биринчи инстанция суди унинг талабларини қондирди. Апелляция инстанциясининг қарори билан ушбу ҳал қилув қарори бекор қилинди ва даъво талабларини қондиришни рад этиш тўғрисида янги ҳал қилув қарори қабул қилинди.

Шунда қарздор субъект Олий хўжалик судига апелляция инстанциясининг қарорини бекор қилиш ва биринчи инстанция судининг ҳал қилув қарорини ўзгартиришсиз қолдириш тўғрисида кассация шикоятини билан мурожаат қилди.

ҚАРЗДОР СУБЪЕКТНИНГ ПОЗИЦИЯСИ

Кўчмас мулкнинг олди-сотди шартномасини ҳақиқий эмас деб топиш керак эди, чунки баҳолаш компанияси унинг реал бозор қийматини нотўғри белгиланган. Давлат органи кўчмас мулкни бундай нархда сотишга ҳақли эмас эди, чунки у анчагина пасайтирилган.

СУДНИНГ ҚАРОРИ

Суд ҳайъати тарафларнинг фикрларини тинглаб, иш метарилларини ўрганиб, кассация шикоятининг асос-далилларини муҳокама қилиб, қуйидагиларни аниқлади:

хўжалик суди томонидан берилган ижро варақасида қарздор субъектда бюджетга солиқлар ва мажбурий тўловлар бўйича 30 млн сўм қарзнинг мавжудлиги кўрсатилган;

уни бажара бориб, Суд қарорларини ижро этиш департаменти ходимлари қарздорга қарашли бўлган кўчмас мулкни (бинони) хатлаганлар;

ихтисослашган баҳоловчининг баҳосига кўра кўрсатилган кўчмас мулкнинг бошланғич нархи 15 млн сўмни ташкил қилган;

оммавий ахборот воситаларида қарздор субъектнинг кўчмас мулкни сотиш бўйича аукцион ўтказиш тўғрисида эълон берилган;

бўлиб ўтган кимошди савдосида хусусий корхона ютиб чиққан, кўчмас мулк унга 20 млн сўмга сотилган;

ижро ишини юритиш доирасида Суд қарорларини ижро этиш департаменти билан хусусий

ДЕПАРТАМЕНТНИНГ ПОЗИЦИЯСИ

Қарздор субъект мол-мулкнинг бошқача қийматини тасдиқлайдиган ҳужжатларни тақдим эта олмади. Унга қарашли бўлган кўчмас мулк ихтисослашган баҳоловчи томонидан белгиланган нархда сотилган кимошди савдоси қонун билан белгиланган қоидаларга риоя этган ҳолда ўтказилган. Шундан келиб чиқиб даъвогар уларга доир тузилган шартномани ҳақиқий эмас деб топишни талаб қилишга ҳақли эмас.

корхона ўртасида шартнома тузилган, унга кўра давлат органи қарздор субъектга қарашли бўлган кўчмас мулкни сотган, хусусий корхона эса уни сотиб олган.

Қонун ҳужжатларининг қоидаларини таҳлил қилиб, суд ҳайъати қуйидагиларни белгилади:

Фуқаролик кодекси (ФК)нинг 381-моддасига мувофиқ қонунда белгиланган қоидаларни бузмасдан ўтказилган кимошди савдоси суд томонидан ҳақиқий эмас деб топилиши мумкин эмас эди, шу сабабли у савдода ютиб чиққан шахс билан тузилган олди-сотди шартномасининг ҳақиқий эмас деб топилишига олиб келиши мумкин эмас эди ва қарздор бунини талаб қилишга ҳақли эмас;

даъвогар низоли кўчмас мулкка доир кадастр ҳужжатлари ва унинг бошқача қийматини тасдиқлайдиган ҳужжатларни тақдим этмаган.

Суд ҳайъати апелляция инстанциясининг қарори процессуал ва моддий ҳуқуқ меъёрларига тўғри келади, қонуний ва уни бекор қилиш учун асос йўқ деб ҳисоблади. Шу муносабат билан қарздорнинг кассация шикоятини қондирилмасдан қолдирилди.

Суд ҳукм қилади

ШАРҲ

«Суд ҳужжатлари ва бошқа органлар ҳужжатларини ижро этиш тўғрисида» Қонуннинг (2001 йил 29 августдаги 258-II-сон, бундан кейин – Қонун) 84-моддасига мувофиқ, суд ижрочиси ижро харажатларини амалга оширишда мол-мулкни хатлаш, хатланган мол-мулкни олиб қўйиш, сақлашга топшириш ва реализация қилиш ҳуқуқига эга. Реализация қилиш аукцион савдосида сотувчи (суд қарорларини ижро этиш органи) ва харидор ўртасида олди-сотди шартномасини тузиш йўли билан амалга оширилади. Савдо-ни ташкил этиш ва ўтказиш Қонуннинг 63 ва ФКнинг 380-моддаларига мувофиқ амалга оширилади. Улар ва бошқа меъёрий ҳужжатлар билан белгиланган қоидаларни бузиш ўтказилган кимошди савдосини ҳақиқий эмас деб топиш учун асос ҳисобланади (ФК 381-моддасининг биринчи қисми). Бунинг учун манфаатдор шахс даъво билан судга мурожаат қилиши керак.

Суд, хусусан, қуйидаги ҳолларда кимошди савдосини ҳақиқий эмас деб топиши мумкин:

- 1) ОАВда кимошди савдоси ўтказилиши тўғрисида хабарнома чоп этилмаган бўлса;
- 2) бундай хабарномани чоп этиш муддатлари бузилса (у савдодан камида 30 кун олдин қилиниши керак);
- 3) хабарнома белгиланмаган шаклда чоп этилган бўлса (унда кам деганда кимошди савдосини ўтказиш вақти, жойи, шакли, унинг предмети ва ўтказиш тартиби, шунингдек бошланғич нархи тўғрисида маълумотлар бўлиши керак);
- 4) суд қарорларини ижро этиш органи томонидан кимошди савдоси ташкилотчисига қуйидагилар тақдим этилмаганида: ижро ҳужжатининг нусхаси; суд ижрочиси томонидан тузилган қарздор мол-мулкни хатлаш далолат-

номасининг нусхаси ёки уни хатлаш тўғрисида суд ижрочиси қарорининг нусхаси; қарздорнинг мол-мулкдан фойдаланиш ҳуқуқини ёки унга эгалик ҳуқуқини тасдиқлайдиган ҳужжатларнинг нусхалари; кўчмас мулк объектини тавсифлайдиган ҳужжатлар.

Агар суд кимошди савдосини ҳақиқий эмас деб топса, бу, тегишинча, кимошди савдосида голиб чиққан шахс билан тузилган шартноманинг ҳақиқий эмаслигига сабабчи бўлади (ФК 381-моддасининг иккинчи қисми).

Кўриб чиқилган ҳолда суд ўтказилган кимошди савдосини ноқонуний деб топиш учун асос топмади. Тегишинча, савдода тузилган кўчмас мулкнинг олди-сотди шартномасини ҳам ҳақиқий эмас деб топиш мумкин эмас.

Эътибор беринг!

Қарздорнинг солиққа доир қарзини узишга йўналтирилган ўз вақтида қилинган ҳаракатлари, шу жумладан ижро ишини юритишни бошлашга қадар мол-мулкни мустақил ҳолда реализация қилиши суд ижрочиси танлаган баҳоловчи қўйган баҳонинг ҳаққонийлиги тўғрисида низо юзага келишини истисно қилади.

Кўчмас мулкнинг баҳоланган қийматига қўшилмаган тақдирда субъект баҳолаш натижалари юзасидан низолашиши мумкин. Бунда у такрорий баҳолашни талаб қила олади. Қонун 35-моддаси биринчи қисмининг 5-бандига, 36-моддаси биринчи қисмининг 4-бандига мувофиқ хатланган мол-мулкни баҳолаш натижалари хусусида низолашиш суд томонидан ижро ишини юритишни масала моҳиятига кўра узил-кесил кўриб чиқилишига қадар тўхтатиб қўйиш учун асос бўлади.

Суд амалиёти «Norma» МЧЖ
эксперт юридик бўлими
томонидан таҳлил қилинди.

*Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти.

ИШГА ҚАБУЛ ҚИЛИШ ВА ИШДАН БЎШАТИШ



Биз газетангизнинг доимий ўқувчиларимиз ва ундан жуда кўп фойдали нарсаларни билиб оляпмиз.

Бизни қизиқтираётган масалалар бўйича батафсил ахборот (мисоллар билан) олишни хоҳлардик.

Ишчиларни бир марталик вақтинча ишларга қандай қабул қилиш керак?

Бунда қандай ҳужжатлар талаб қилинади?

Улар меҳнатига ҳақ тўлаш (миқдори, тартиби ва механизми) қандай амалга оширилади?

Уларга шахсий йиғма жилдлар юритиш, меҳнат дафтарчаларини расмийлаштириш керакми?

Меҳнат шартномасида қандай жиҳатлар акс эттирилиши керак?

Бундай ишчиларни ишга қабул қилиш ва ишдан бўшатиш буйруғидан мисол келтирсангиз.

А.Абдушукуров.

МЕХНАТ шартномаси ёки фуқаролик-ҳуқуқий тусдаги шартнома тузиб, ишчиларни бир марталик вақтинча ишларни бажаришга қабул қилиш мумкин.

Меҳнат кодекси (МК)нинг 75-моддасига кўра меҳнат шартномалари номуайян муддатга, беш йилдан ортиқ бўлмаган муайян муддатга, ёхуд муайян ишни бажариш вақтига мўлжаллаб тузилиши мумкин. Бажарилажак ишнинг хусусияти, уни бажариш шартлари ёки ходимнинг манфаатларини ҳисобга олган тарзда, номуайян муддатга мўлжалланган меҳнат шартномаларини тузиш мумкин бўлмаган ҳолларда муддатли меҳнат шартномаси тузилади.

Жисмоний шахсларни бир марталик вақтинча ишларга қабул қилиш учун фуқаролик-ҳуқуқий тусдаги қуйидаги шартномалар тузилади:

пудрат шартномаси, унга кўра пудратчи буюртмачининг топшириғига биноан маълум бир ишни бажариш ва унинг натижасини буюртмачига белгиланган муддатда топшириш мажбуриятини олади, **буюртмачи** эса иш натижасини қабул қилиб олиш ва бунинг учун ҳақ тўлаш мажбуриятини олади (Фуқаролик кодекси (ФК)нинг 631-моддаси);

ҳақ эвазига хизмат кўрсатиш шартномаси, унга кўра ижрочи буюртмачининг топшириғи билан ашёвий шаклда бўлмаган хизматни бажариш, муайян ҳаракатларни қилиш ёки муайян фаолиятни амалга ошириш (масалан, тиббий, аудиторлик, маслаҳат бериш, ахборот, таълимий ва бошқа хизматлар), **буюртмачи** эса бу хизмат учун ҳақ тўлаш мажбуриятини олади (ФКнинг 703-моддаси);

топшириқ шартномаси, унга кўра **вакил** топшириқ берувчининг номидан ва унинг ҳисобидан муайян юридик ҳаракатларни содир этиш мажбуриятини олади, **топшириқ берувчи** эса вакилга қонун ёки шартномада белгиланган ҳақни тўлаш мажбуриятини олади (ФКнинг 817-моддаси);

муаллифлик шартномаси, унга кўра **муаллиф** шартнома шартларига мувофиқ асар яратиш ва уни белгиланган муддатда буюртмачига (фойдаланувчига) топшириш, **буюртмачи (фойдаланувчи)** эса унга ҳақ тўлаш мажбуриятини олади (ФКнинг 1067-моддаси).

Солиқ қонунчилиги, шунингдек ходимлар билан боғланган юридик шахс учун ҳисобот нуқтаи назаридан олганда меҳнат ва фуқаролик-ҳуқуқий шартномаларни тузиш ўртасида катта фарқ йўқ. Бироқ, фуқаролик-ҳуқуқий тусдаги

шартнома тузганда юридик шахс қуйидагиларни қилишга мажбур эмас:

- жисмоний шахсни иш жойи билан таъминлаш;
- таътил бериш;
- меҳнатга ҳақ тўлаш даврийлиги – бир ойда камида икки марта тўлашга риоя этиш;
- ходим олдида иш берувчи сифатида ўзининг фуқаролик жавобгарлигини суғурталаш;
- меҳнат қонунчилиги томонидан иш берувчига ўз ходимига нисбатан қўйиладиган бошқа талабларга риоя этиш.

Бошқа томондан, фуқаролик-ҳуқуқий шартномаларни тузиш жисмоний шахсни қуйидагиларга мажбур қилмайди:

- корхонада белгиланган иш вақти режимига риоя қилиш;
- ички меҳнат тартиби қоидаларига бўйсунуш, меҳнат интизомига риоя қилиш;
- меҳнат қонунчилиги томонидан ходимга қўйиладиган бошқа талабларга риоя қилиш.

Қайси усулнинг қанчалик фойдали ва қулайлигини белгилаш ўзингизга ҳавола.

ИШГА МЕХНАТ ШАРТНОМАСИ бўйича қабул қилиш вақтида иш берувчи қуйидаги ҳужжатларни талаб қилиши керак:

- паспорт ёки унинг ўрнини босадиган бошқа ҳужжатни, ўн олти ёшгача бўлган шахслардан эса, – туғилганлик тўғрисидаги гувоҳнома ва турар жойидан маълумотномани;

- меҳнат дафтарчасини, биринчи марта ишга кираётган шахслар бундан мустасно. Ўриндошлик асосида ишга кираётган шахслардан эса меҳнат дафтарчаси ўрнига асосий иш жойидан олган маълумотномани;

- ҳарбий хизматга мажбурлар ёки чақирилувчилардан тегишинча ҳарбий билетни ёки ҳарбий ҳисобда турганлик ҳақидаги гувоҳномани;

- қонун ҳужжатларига мувофиқ махсус маълумотга ёки махсус тайёргарликка эга шахсларгина бажариши мумкин бўлган ишларга кираётганда олий ёки ўрта махсус, касб-хунар ўқув юртини тамомлаганлиги тўғрисидаги дипломни ёхуд мазкур ишни бажариш ҳуқуқини берадиган гувоҳномани ёки бошқа тегишли ҳужжатни;

- солиқ тўловчининг идентификация рақами (СТИР) берилганлиги тўғрисида гувоҳномани¹;
- жамғариб бориладиган пенсия дафтарчасини¹ (бундан ишга биринчи марта кираётган шахслар мустасно).

Кўшимча равишда қуйидагилар талаб қилиниши мумкин:

- ўн саккиз ёшга тўлмаганлар;

олтмиш ёшга тўлган эркалар, эллик беш ёшга тўлган аёллар; ноғиронлар; меҳнат шароити ноқулай ишларда, тунги ишларда, шунингдек транспорт ҳаракати билан боғлиқ ишларда банд бўлганлар; озиқ-овқат саноатида, савдо ва бевосита аҳолига хизмат кўрсатиш билан боғлиқ бўлган бошқа тармоқлардаги ишларда банд бўлганлар; умумтаълим мактаблари, мактабгача тарбия ва бошқа муассасаларнинг бевосита болаларга таълим ёки тарбия бериш билан машғул бўлган педагог ва бошқа ходимларини тиббий кўрикдан ўтказганлик натижалари тўғрисида ҳужжат (маълумотнома, хулоса);

- ота-онадан бири ёки улар ўрнини босадиган шахслардан бирининг ёзма розилиги (16 ёшга тўлмаган шахслар учун);

- илмий даражалар ва илмий унвонлар тўғрисида дипломлар, муаллифлик гувоҳномаларининг нусхалари, илмий асарлар ва ихтироларнинг, чоп этилган мақолаларнинг рўйхатлари ва ҳоказо – илмий, илмий-педагог, ижодий ходимлар томонидан қонун ҳужжатларига мувофиқ.

Фуқаролик-ҳуқуқий тусдаги шартномаларни тузиш учун жисмоний шахс қуйидагиларни тақдим этиши лозим:



- паспорт ёки унинг ўрнини босадиган ҳужжат, 16 ёшга тўлмаганлар эса – туғилиш гувоҳномаси ва яшаш жойидан маълумотнома;

- олий ёки ўрта махсус, касб-хунар ўқув юртини тамомлаганлик тўғрисида диплом, мазкур ишни бажариш ҳуқуқига доир гувоҳнома ёки бошқа тегишли ҳужжат (бажариш учун қонунга мувофиқ фақат махсус маълумот ёки махсус тайёргарликка эга бўлган шахсларга рухсат берилиши мумкин бўлган иш амалга оширилганда);

- СТИР берилганлиги тўғрисида гувоҳнома¹;

- жамғариб бориладиган пенсия дафтарчаси¹ (агар бўлса);

- ота-онадан бири ёки улар ўрнини босадиган шахслардан бирининг ёзма розилиги (18 ёшга тўлмаганлар учун).

АГАР ШАХС билан муддатли меҳнат шартномаси тузилса,

меҳнат дафтарчаси ва шахсий йиғмажилдлар, номуайян муддатга тузилган меҳнат шартномалари бўйича ишлаётган шахсларнинг ҳужжатларига ўхшаб, албатта кадрлар бўлими иш юритиш қоидаларининг барчаси бўйича юритилиши керак.

МКнинг 73-моддасига мувофиқ, меҳнат шартномасида қуйидагилар албатта белгиланади: иш жойи (корхона ёки унинг бўлини), ходимнинг меҳнат вазифаси – у ишлайдиган лавозим бўйича мустахассислиги ёхуд малакаси, ишнинг бошланиш куни, меҳнат шартномаси муайян муддатга тузилганда унинг амал қилиш муддати, меҳнат ҳақи миқдори ва меҳнатнинг бошқа шартлари.

Фуқаролик-ҳуқуқий тусдаги шартнома тузилган тақдирда меҳнат дафтарчаси юритилмайди.

МЕХНАТ ҳақи шакли ва тизимлари, мукофотлар, қўшимча тўловлар, устамалар, рағбатлантириш тарзидаги тўловлар МК 153-моддасининг иккинчи қисмига мувофиқ жамоа шартномаларида, шунингдек корхонанинг бошқа локал ҳужжатларида белгиланади. Бунинг маъноси шуки, ходим билан меҳнат шартномаси тузишда меҳнатга ҳақ тўлаш тартиби ва механизмини белгилаш учун сиз жамоа шартномаси, корхонангизнинг бошқа локал ҳужжатлари қоидаларига амал қилишингиз керак. Қонун ҳужжатларида энг кам иш ҳақи миқдори белгиланган. Меҳнат ҳақининг аниқ миқдори эса меҳнат шартномасида белгиланиши керак (ФКнинг 73-моддаси), унинг миқдори одатда юридик шахснинг штат жадвали билан белгиланади. Меҳнат ҳақининг икки асосий шакли мавжуд: вақтбай – иш ҳақи миқдори ҳақиқатда ишланган вақтга қараб ҳисоблаб чиқарилади ва ишбай – ҳақиқатда бажарилган иш, тайёрланган маҳсулот бўйича. Вақтинчалик ходимлар меҳнатига асосан ишбай тарзда тўланади.

Фуқаролик-ҳуқуқий тусдаги шартномаларда ҳақ миқдори ва уни тўлаш тартибини тарафлар иш ҳажми, мураккаблиги ва уни бажариш муддатларидан келиб чиқиб белгилайдилар ва тузиладиган шартномада кўрсатадилар. У бирийўла, ишни бажаришгача ёки бажарилганидан кейин ёки қисмларга бўлиб, масалан, ойда бир марта тўланиши мумкин.

Абдурахмон БАХТИЕВ,
«Норма» МЧЖ юристи.

БУЙРУҚ

«Муайян ишни бажариш вақти даврида ишга қабул қилиш тўғрисида»

Ғойипов Анвар Шавкатович 20__ йил «__»__дан 20__ йил «__»__даги __-сон буйруқ билан тасдиқланган реставрация ишлари жадвалида назарда тутилган реставрация ишлари тугашига қадар реставратор-рассом сифатида ишга қабул қилинсин. Ғойипов А.Ш.га бир ойда __ сўм миқдорида маош ва __ сўм миқдорида шахсий устама белгилансин, у реставрация ишлари жадвали ўз вақтида ва сифатли бажарилган тақдирда тўлансин.

Асос:

20__ йил «__»__даги __-сон меҳнат шартномаси

БУЙРУҚ

«Ишни бажарганлик муносабати билан меҳнат шартномасини бекор қилиш тўғрисида»

Реставратор-рассом **Ғойипов Анвар Шавкатович** билан меҳнат шартномаси 20__ йил «__»__дан, у топширилган ишлар мажмуини бажарганлиги муносабати билан, бекор қилинсин (ЎЗР МК 97-моддаси 1-қ. 3-б.)

Бухгалтерия бажарилган иш учун Ғойипов А.Ш. билан тўлиқ ҳисоб-китоб қилсин.


БУЙРУҚ

«Амал қилиш муддати тугаганлиги муносабати билан меҳнат шартномасини бекор қилиш тўғрисида»

Реставратор-рассом **Ғойипов Анвар Шавкатович** билан меҳнат шартномаси 20__ йил «__»__дан, унинг амал қилиш муддати тугаши муносабати билан, бекор қилинсин (ЎЗР МК 97-моддаси 1-қ. 3-б.)

Бухгалтерия Ғойипов А.Ш. билан 20__ йил «__»__ гача тўлиқ ҳисоб-китоб қилсин.

¹Мазкур ҳужжатлар қонунчиликда ишга қабул қилиш чоғида мажбурий ҳужжатлар сифатида назарда тутилмаган, бироқ амалиётда улар ходим томонидан иш берувчининг илтимосига кўра тақдим этилади.



TOP


ЭНГ ЯХШИСИНИ ТОП!

«Норма маслаҳатчи» N 24 (257) 2010 йил 15 июнь

МДХдаги ЭНГ ЙИРИК ИШЛАБ ЧИҚАРУВЧИЛАРДАН БИРИ



**АНДИЖОН
КАБЕЛЬ
ЗАВОДИ**



ТОВАР СЕРТИФИКАТЛАНГАН

**РЕАЛ НАРХЛАР БЎЙИЧА
СИФАТ ВА КАФОЛАТ**



Тошкент ш., Қибрай (собик М.Жалил) кўч., 92. Тел.: 150-11-77 (кўп тармоқли), 150-55-66 e-mail: tashkent@ak.uz, www.cable.uz

«Интеграл стар» ХК таклиф қилади

«ЕҒОЧ-ТАХТА МАТЕРИАЛЛАРИ»

ассортиментда

Хизматлар лицензияланган

Тўлов - исталган шаклда

Тел. 303-16-46, факс 274-66-77

Ташкилот нақд пулсиз ҳисоб-китоб йўли билан куйидагиларни сотади

◆ **ТИКИЛИ АРМАТУРА: ЗУЛФИНЛАР, ВЕНТИЛЛАР, КЛАПАНЛАР, ЗАТВОРЛАР, КОНДЕНСАТ ҚАЙТАРГИЧЛАР, КРАНЛАР** (зангламайдиган, пўлат, чўян, алюминий, пластмассадан, гуммирилланган)

◆ **ЛИФТЛАР 100 дан 5000 кг гача (йўловчи, юк ташувчилар)**

- ◆ Фавворали арматура φ 65/350
- ◆ Насос X-250-200-315 Т, X-200-150-500 К-СД-УЗ ПНС-500/10
- ◆ Электр, қўлда ишлайдиган насослар
- ◆ МСК 1000/350
- ◆ Электр таллар, кран-балкалар (қўлда ишлайдиган, электр)
- ◆ КТЦ, УКВ, КТН sanoat кондиционерлари
- ◆ Дизель кўча электр станцияси 60 кВт
- ◆ Муз генератори (30х30 мм ли кубиклар)
- ◆ «Россиянка» электр плиталари (4 конфоркали, духовкаси бор)
- ◆ Сув, бугда ишлайдиган калориферлар, КИД, КВУ клапанлари
- ◆ Гидрантлар, ўт ўчирувчилар энглари

Тел./факс 273-83-86, 273-95-90, 175-81-56 (уяли). E-mail: kaspi64@bk.ru

«UNIKS-STAR» МЧЖ

НАСОСЛАР

чуқурликлар учун ЭЦВ 4, 6, 8, 10 туридаги дренаж учун ГНОМ туридаги К туридаги, Консоль

ВК туридаги, Вихрли ЦМК туридаги фекаль «Андижанец» насоси

«КАСКАД» ҚЎЗ

Товар сертификатланган

ТЕЛ.: 253-97-60, 188-98-38, WWW.NASOS.UZ

Рўйхатлар

Тошкент шаҳар хўжалик судининг 2010 йил 12 майдаги қарорларига асосан Шайхонтоҳур туманидаги тугатилаётган корхоналар РЎЙХАТИ

Корхона номи	СТИР	Рўйхатдан ўтган санаси ва рақами	Директор исм-шарифи	Юридик манзили	Қарор рақами
«ALIXON-BIZNES» ХФ	204106199	17.07.02 693	Т.Абдуллаева	А.Қодир ва Ф.Фулом кўч. чорраҳаси	10-1007/6637-т
«ANVARXON VA JAVOHIR» ХК	206851980	16.03.07 1774-09	А.Пўлатходжаев	Шомахмудов кўч. Қизил Шарқ ўтар кўч.	10-1007/6638-т
«NOZIMABEGIM SHIRIN SAVDO»	300981007	11.11.08 002956-09	С.Ишонходжаева	Чорсу буюм бозори, 3-блок, 52-дўкон	10-1007/6639-т
«IXTIDOR KONSALTING» 300731356	22.02.08 002399-09	22.02.08 002399-09	М.Файзуллаев	Марказ-13, 25-1	10-1007/6640-т
«NURLI-HAYOT PLYUS» 300672905	07.01.08 002287-09	07.01.08 002287-09	Д.Алимов	О.Мухторов кўч., 8	10-1007/6641-т
«POLIMETALL SERVIS» ХФ	204673555	22.09.03 1247	Б.Қаюмов	Ибн Сино-1, 17-103	10-1007/6642-т
«ASADBEK-BIZNES»	300875098	26.06.08 002717-09	Д.Бекилов	Форобий кўч., 37а	10-1007/6643-т
«ABDULAZIZ USTA»	300838736	19.05.08 002625-09	Ш.Шофайзиев	З.Мақсудов кўч., 55	10-1007/6644-т
«JASURJON PLUS»	300609213	06.11.07 002193-09	С.Муталибов	Марказ-13, 24-74	10-1007/6645-т
«AZIZ TEKS BIZNES»	300447280	11.05.07 001866-09	А.Илхомов	Чорсу мавзеси, 1-63	10-1007/6646-т
«MUZAFFAR-AZIZ BIZNES» ХК	205734249	30.06.05 835-09	Ҳ.Ашурова	Бешёғоч мавзеси, 8Г	10-1007/6647-т

Мазкур корхоналарнинг думалоқ муҳр ва штамплари бекор қилинади. Дебитор ва кредитор даъволари эълон чоп этилган кундан бошлаб 2 ой муддатда махсус комиссия томонидан Тошкент ш., А.Қодирий кўчаси, 7а-уй манзили бўйича жойлашган Шайхонтоҳур тумани ҳокимияти биносининг 2-қаватидаги Тадбиркорларни рўйхатга олиш хонасида қабул қилинади. Тел. 241-87-45.

Тошкент вилояти хўжалик судининг 2010 йил 31 майдаги ажримларига асосан Ўртачирчиқ туманидаги банкрот деб тан олишга доир иш очилган корхоналар РЎЙХАТИ

Корхона номи	Ажрим рақами
«Тўлағон тожи» ФХ	11-1010/11687
«Тонг» ФХ	11-1010/11685
«Усмон Фахр» ФХ	11-1010/11686
«Абдулла Раҳмат» ФХ	11-1010/11684

Мазкур корхоналар кредиторларининг 1-йиғилиши 2010 йил 15 июнь куни соат 11.00 да қуйидаги манзилда ўтказилади: Тошкент вилояти, Ўртачирчиқ тумани, Тўйтепа шаҳри, Тошкент йўли кўчаси, 88-уй, Ўртачирчиқ туман ДСИ биноси, 1-қават, 19-хона.

Тошкент вилояти хўжалик судининг 2010 йил 4 июндаги 11-1006/12581-сонли ажримига асосан Бўка туманидаги «Азизбек Намина» ФХ (СТИР 204678231) қарздорлиги бўйича банкротлик иши очилган. Мазкур корхона кредиторларининг йиғилиши 2010 йил 16 июнь куни соат 11.00 да Бўка туман ДСИ биносида ўтказилади. Манзил: Тошкент вилояти, Бўка шаҳри, Ўзбекистон кўчаси, 1-уй. Тел.: 150-59-27, 150-64-67.

ТАДБИРКОРЛИКНИ АХБОРОТ ЖИҲАТДАН ҚўЛЛАБ-ҚУВВАТЛАШ «ЗАКОВАТ» ЖАМОАТ ҲОМИЙЛИК ФОНДИНИНГ 2009 ЙИЛДАГИ ФАОЛИЯТИ Тўғрисида Ҳисобот

01.01.2010 йилга бўлган баланс минг сўм

1. Тадбиркорликни ахборот жиҳатдан қўллаб-қувватлаш фаолияти

«Zakovat» ТАЖҚҚЖХФ ўзининг уставда белгиланган мақсад ва вазифаларига мувофиқ 2009 йилда қуйидаги йўналишлар бўйича тадбиркорликни ахборот жиҳатдан қўллаб-қувватлаш ишларини амалга оширди:

1. «Zakovat» фонди муассис ҳисобланган (бошқа давлат, жамоат ва хўжалик тузилмалари билан биргаликда) «Солиқ ва божхона хабарлари», «Налоговые и таможенные вести», «Банк ахборотномаси», «Банковские ведомости» ва «Частная собственность» газеталарини чиқариш давом эттирилди.

2. Тадбиркорликни бутунжаҳон Интернет тармоғи орқали ахборот жиҳатдан таъминлашни кенгайтириш мақсадида кичик ва хусусий бизнес субъектлари учун bank.uz ва sugurta.uz янги лойиҳалари ривожлантирилди.

3. Савдо-саноат палатаси, «Ташаббус» республика танлови қолиблари, Бухгалтерлар ва аудиторлар уюшмаси, Аудиторлар палатаси, Бизнес фанлари ўқитувчилари уюшмаси, олий ўқув юртлари, вазирликлар ва идоралар, ҳокимият органларига электрон ахборот-ҳуқуқий маълумотлар базалари бепул тақдим этилди. Бу Ўзбекистонда тадбиркорлик фаолиятини юритиш шарт-шароитини тартибга солувчи ҳуқуқий ҳужжатлардан кенг

фойдаланишни таъминлашга ёрдам берди.

4. Солиқ солиш, бухгалтерия ҳисоби ва шу каби масалаларга оид адабиётлар кутубхоналар, олий ўқув юртларига бепул тарқатилди.

5. Олий ўқув юртларини юридик ва иқтисодий мутахассисликлар бўйича тугаллаётган талабалар ҳуқуқий маълумотлар базалари билан таъминланди.

6. Тадбиркорларнинг товарлар ва нархлар бўйича маълумотларни эркин олишлари таъминланди, яъни Ўзбекистон Республикаси Вазирлар Маҳкамасининг 2003 йил 30 сентябрдаги 416-сон қарорига мувофиқ ДБК ва ТИАИСВ томонидан нашр этилаётган Нарх маълумотлари бюллетени тарқатилди;

7. Солиқ маданиятини ошириш бўйича «Пойтахт» ахборот радиосида ахборот-реклама фаолияти олиб борилди.

8. Солиқ мавзулари бўйича телекўрсатувларни ташкил этишга ёрдам берилди.

II. «Zakovat» ТАЖҚҚЖХФнинг 2009 йил учун йиллик молиявий ҳисоботи ва амалда бюджет ижроси

«Audit-Kim» МЧЖ аудиторлик ташкилоти Фонднинг 2009 йил учун фаолиятини аудиторлик текширувидан ўтказди ва «Zakovat» ТАЖҚҚЖХФнинг молиявий ҳисоботи унинг молиявий аҳолини тўғри акс эттиради ҳамда ушбу хўжалик юритувчи субъект томонидан амалга оширилган молиявий ва хўжалик опе-

АКТИВ	
Асосий воситалар:	
Дастлабки тикланиш қиймати	14841,5
Эскириш	13381,4
Қолдиқ қиймат	1460,1
Узоқ муддатли инвестициялар	30150
Ишлаб чиқариш захиралари	244397,1
Бошқа активлар	79268,5
Баланс активи бўйича жами	394574,9
ПАССИВ	
Устав капитали	3000
Тақсимланмаган фойда	115,9
Фонднинг асосий воситалари	1460,1
Шуъба корхоналардан мақсадли молиявий тушумлар	138912
Бошқа пассивлар	251086,9
Баланс пассиви якуни	394574,9

рациялари Ўзбекистон Республикаси қонунчилиги талабларига мувофиқ келади» деган хулосага келди.

Фонд харажатларининг умумий суммаси 236859,8 минг сўмни ташкил этди, шу жумладан:

- маъмурий харажатлар - 14024,1 минг сўм;
- иқтисодий-ҳуқуқий мавзудаги босма маҳсулотларни бепул тарқатиш - 2884,2 минг сўм;
- электрон ҳуқуқий тизимларни бепул

тарқатиш - 219951,5 минг сўм;

Тадбиркорликни ахборот жиҳатдан қўллаб-қувватлаш «Zakovat» жамоат ҳомийлик фонди 2009 йилда тижорат фаолиятидан даромад олмаган. Устав фаолиятини амалга ошириш харажатлари устав вазифаларини амалга ошириш учун ажратмалар ҳисобидан қилинган.

Фонд 2009 йилда ихтиёрий эҳсонлар ва тадбиркорлик фаолиятдан даромад олмаган.

Ижрочи директор
М.ЗАЙНУДИНОВ.

“Аудит-ВАРН” МЧЖ
аудиторлик ташкилоти**ЎЗБЕКИСТОННИНГ БУТУН
ХУДУДИДА, БҲМС ВА МҲХС
БЎЙИЧА ИСТАЛАН ТУРДАГИ
АУДИТОРЛИК ТЕКШИРУВЛАРИНИ
ЎТКАЗАДИ**

2008 йил 16 майдаги 000172-сон лицензия

Тел.: 8(371) 2762099,
уяли: +998971192248
Тошкент ш., Бунёдкор кўч., 42
Тошкент вил., тел. +998974541664УзР АВнинг 12.01.2005 йилдаги 991-сонли гувоҳнома.
28.03.2008 йилдаги 00642-сонли лицензия.**“AMIR-AUDIT” МЧЖ**

- Хамма турдаги аудиторлик хизматлари
- Бухгалтерия ҳисоботи ва баланс тузиш

Устав капиталимиз - 99999 5000 ЭКИХдан ортик

**САР сертификатига эга
аудиторлар керак.**

Тел.: 409-04-23. Факс: 294-77-48

“NAZORAT-AUDIT” МЧЖ
аудиторлик ташкилоти

МВнинг 28.07.2008 йилдаги 00067-сон лицензияси

**Барча хўжалик юритувчи
субъектларнинг аудиторлик
текширувлари**Хизматлар халқаро
малакага эга аудиторлар
томонидан кўрсатиладиe-mail: nazorat_audit@mail.ru
8-371-2794716, +99897 402-05-00
+99869 258-57-97, +99897 340-98-62
8-371-2794401**“ZAMIN OIL AUDIT” МЧЖ**Барча хўжалик юритувчи субъектларда
қуйидаги хизматларни кўрсатади:

- Аудиторлик текширувлари
- Солик солиш
- Консалтинг хизматлари
- Бухгалтерия ҳисобини йўлга қўйиш ва тиклаш
- Бошқа малакали ҳисоб-китоб ишлари

221-10

Шунингдек, Тошкент шаҳридаги филиалига
ва асосий манзилига малакали сертификатли
аудиторларни ишга таклиф қиламиз.

Хизматлар лицензияланган. Лицензия АФ № 00387, 24.07.2008 й.

Манзили: Қарши ш., Шибобов кўч., 1/15
Тел.: (+99875) 112 8179, (+99898) 776 5527**ЭЪЛОНЛАР****СОТИЛАДИ**Бетон қорувчи ускуна.
Тел. 252-34-89.Резина кордли контейнерлар.
Тел. 252-34-89.**ЮРИДИК ХИЗМАТЛАР**Юридик хизмат кўрсатиш. Деби-
торлик қарзини ундириш. Хўжалик,
жиноят ишлари. Адвокатлик фирма-
си.*Тел.: (+99897) 330-45-71,
(+99897) 100-47-33.Кўчмас мулк бўйича юрист масла-
ҳатлари. Кадастр.* Тел. 448-74-69.**ЭЪЛОНЛАР**ADVOKAT ELITE. Судларда вакил-
лик қилиш. Корхоналар, ваколат-
хоналарни рўйхатдан ўтказиш, қайта
ташкил этиш, тугатиш ва уларга
юридик хизмат кўрсатиш.*
Тел.: 343-41-56, 448-74-69.**АУДИТОРЛИК ХИЗМАТЛАРИ**Аудиторлик, бухгалтерия хизмат-
лари.*
Тел.: 370-63-06, 263-77-29.**БУХГАЛТЕРИЯ ХИЗМАТЛАРИ**Баланслар. Маслаҳатлар бериш.
Тел. 100-65-80.**ХИЗМАТЛАР**Видео-, фотосуратга олиш.*
Тел. (+99897) 709-20-17.

*Хизматлар лицензияланган.

*Тошкент шаҳар хўжалик суди томонидан Ўзбекистон Республикаси Фуқа-
ролик кодексининг 53-моддасига мувофиқ Яққасарой туманидаги қуйидаги хўжалик
юритувчи субъектларни тугатиш тўғрисидаги қарор қабул қилинди ва тугатиш
ҳаракати бошланди:

Корхона номи	Қарор рақами
Қарор санаси: 2010 йил 4 май	
"FRAME AND PANEL" МЧЖ	10-1017/6178(21)
"ALABIN TEKS" МЧЖ	10-1017/6180(21)
"MILKAMED" МЧЖ	10-1017/6181(21)
"PAYCARTA SYSTEMS" МЧЖ	10-1017/6182(21)
"RUSELNEFTEMASH" МЧЖ	10-1017/6183(21)
"VUB-UNIPROM" МЧЖ	10-1017/6184(21)
"VENGRA BEER" ХК	10-1017/6185(21)
"AVIA TRANZIT" МЧЖ	10-1017/6179(21)
"ELITE-GLOBAL-BIZNES" ХОРИЖИЙ К.	10-1017/6186(21)
"NARMISS-ELIGANT" ХК	10-1017/6187(21)
"NOROK-SERVIS" МЧЖ	10-1017/6188(21)
"REDAKSIYA XONODON" МЧЖ	10-1017/6189(21)
"QUSHBEGLOBOD" ХФ	10-1017/6190(21)
"APRESYAN LEVON" ХК	10-1017/6191(21)

Корхона номи	Қарор рақами
Қарор санаси: 2010 йил 7 май	
"BRANDS OF POYTAHT" ХК	10-1020/6289
"A'ZAMJON TAOMLARI" ХК	10-1020/6273
"PEREKRYOSTOK-LUX" МЧЖ	10-1020/6272
"ALIF GRAND SERVIS" ХК	10-1020/6271
"VIP TC" МЧЖ	10-1020/6270
"AVESTO FOR LUX" МЧЖ	10-1020/6269
"BONUS" МЧЖ	10-1020/6274
"SHODDIL-SAVDO BIZNES" МЧЖ	10-1020/6275
"TA'LIM-PRESS" МЧЖ	10-1020/6276
"JAHON-AEROTUR-SERVIS" ХК	10-1020/6277
"ARIADNA-QURILISH" МЧЖ	10-1020/6278
"KURSOR UNIKOMP" МЧЖ	10-1020/6279
"DEKLARANT PLUS SERVIS" ХК	10-1020/6280
"KO'SU" ХК	10-1020/6291
"TOP LEVEL PROTECTION" МЧЖ	10-1020/6292
"XO'JA PROD SERVIS" ХК	10-1020/6285
"ESSO-STILE" МЧЖ	10-1020/6290
"BAZIRG'ON FILIZ" ХК	10-1020/6281
"PROGMATIKA SOFT" МЧЖ	10-1020/6282
"VASARA-TRADE" МЧЖ	10-1020/6283
"INTERFASER SOLUTION" МЧЖ	10-1020/6284
"INTER PRO GLOBAL" МЧЖ	10-1020/6286
"MABO SERVIS" МЧЖ	10-1020/6287
"GOLAN-TEHNO" МЧЖ	10-1020/6288
"RILMOTITD STROI TEX-SERVIS" МЧЖ	10-1020/6293

Корхона номи	Қарор рақами
Қарор санаси: 2010 йил 28 май	
"IKROMJON SHAFFOF SQAVIDO" МЧЖ	10-1021/7484(21)
"AZIM-AMIN-INTER" МЧЖ	10-1021/7485(21)
"RUSH AGRO BIZNES" МЧЖ	10-1021/7486(21)
"MUALLIM GULSHANI" МЧЖ	10-1021/7487(21)
"PARLAR" ҚК	10-1021/7483(21)
"RESTORAN SEUL" ҚК	10-1021/7482(21)
"НИЯТ САВДО УЙИ" ЕШХЖ	10-1021/7481(21)
"ЕЛВИН-М" ФИЛИАЛИ	10-1021/7480(21)
"ТАШАЛ" ҚК	10-1021/7479(21)
"ZAIB AND KAMRAN GEN.TRAD." ХК	10-1021/7478(21)

Мазкур корхоналарнинг дебитор ва кредиторлик даъволари 2 ой муддат мобайни-
да Яққасарой тумани Ҳокимияти тугатиш комиссияси томонидан қабул қилинади. Кор-
хоналарнинг думалоқ муҳр ва бурчак тамгалари бекор қилинади.**www.pc.uz** - Ўзбекистон компьютер бозоридаги талаб ва таклиф**Рўйхатлар***Тошкент шаҳар хўжалик судининг 2010 йил 11 июндаги ҳал қилув қарорларига асосан
Учтепа туманидаги тугатилаётган корхоналар

Корхона номи	СТИР	Рўйхатга олинган рақами ва санаси	Юридик манзили	Қарор рақами
"MUHAMMAD BIZNES" МЧЖ	300446575	001548-01 11.05.07	Турсункулова кўч., 12	10-1006/8402
"O'RIKZOR BULOQ" МЧЖ	206505223	001027-01 04.05.06	Ўрикзор, Стройгород даҳаси	10-1006/8401
"UCHTEPA BULOQ" МЧЖ	206505183	001023-01 03.05.06	Ўрикзор, Стройгород даҳаси	10-1006/8403
"MASLAHAT EXPERT" МЧЖ	205147124	000292-01 30.06.04	Чилонзор 9А-32	10-1006/8404
"DINORA PRINT"	205506981	003015-01 04.07.09	Заргарлик Сегизбоев, 10	10-1006/8405
"OMEGA-IMKON PLYUS" МЧЖ	300924384	002400-01 29.08.08	Атойи кўч., 39	10-1006/8399
"ILXOM ISLON BIZNES TRADE" ХК	300419949	001515-01 20.04.07	Чилонзор 22-7	10-1006/8400
"ELEKTROVOKS" ХК	204640944	922 12.08.03	Чилонзор 25-16-35	10-1006/8397
"FALKON LIDER"	301018268	002601-01 29.12.08	Чилонзор 12-32-20	10-1006/8398
"PANDORA LIFE BIZNES"	205827789	000773-01 27.09.05	Турсункулова кўч., 8	10-1006/8395
"ZUFARM SHIFO" МЧЖ	301386800	003273-01 19.11.09	Кўркам 3-тор кўч., 13	10-1006/8396

Мазкур корхоналарнинг тўртбурчакли тамга ва думалоқ муҳрлари ҳақиқий эмас деб ҳисоблансин. Даъ-
волар эълон чиққан кундан бошлаб 2 ой муддат давомида Учтепа тумани Ҳокимияти биноси, 3-қават, 4-хонада
қабул қилинади.Тошкент шаҳар хўжалик судининг 2010 йил 7 июндаги 10-1019/7280-сонли ҳал қилув қарорига асосан
Бектемир туман ДСИдан рўйхатдан ўтган "Сабина бону НЕТ" МЧЖ ҳамда 10-1019/7279-сонли ҳал қилув
қарорига асосан "Жамшиджон келажоги" ХК банкрот деб эътироф этилди ва тугатишга доир иш юритиш
таомили жорий қилинди. Тугатиш бошқарувчилари этиб Бектемир туман ДСИ ходими М.Менгзиев ва В.Қодирова
тайинланган. Корхоналарга тегишли думалоқ муҳр ва бурчак шаклидаги штамплар бекор қилинади. Ушбу
корхоналарнинг кредиторлари Тошкент ш., Х.Бойқаро кўчаси, 92-уй, Бектемир туман ДСИ биноси, 213-
хонага муурожаат қилишлари мумкин. Кредиторларнинг барча эътироз ва даъволари эълон босилган кун-
дан бошлаб 2 ой мобайнида Бектемир туман ДСИ биносида қабул қилинади. Тел. 295-35-76.Тошкент вилояти хўжалик судининг 2010 йил 10 июндаги 11-1006/13097-сонли ажримига асосан Зан-
гиота туманидаги "GOOD EXAMPLE" МЧЖ (СТИР 300793335), 11-1006/13098-сонли ажримига асосан "HALQ
TRANS SERTVIS" МЧЖ (СТИР 205419077) ҳамда 11-1006/13099-сонли ажримига асосан "CLACSON SERVIS"
МЧЖ (СТИР 205419077) соддалаштирилган тартибда банкрот деб иш юритишга қабул қилинганлиги муно-
сабати билан кредиторларнинг 1-ийгилиши 2010 йил 24 июнь соат 11.30 да ва 2010 йил 25 июнь куни соат
17.00 да Зангиота туман ДСИ биносида сайёр суд мажлиси ўтказилади. Ушбу корхоналарга алоқадор шахслар
ва корхоналар 1 ой давомида ўз муурожаатларини қуйидаги манзилга билдиришлари мумкин: Зангиота тумани,
Эшонгузар Қ.Ф.Й., Охунбобоев кўчаси, 23-уй, Зангиота туман ДСИ биноси. Тел. 270-70-31.Тошкент шаҳар хўжалик судининг 2010 йил 12 майдаги 10-1019/7574-сонли ажримига асосан Бекте-
мир туман ДСИ рўйхатидан ўтган "Бектемиравтотранс" МЧЖга нисбатан банкротлик иши қўзғатилган ва
кузатув жараёни қўлланилган. Мазкур корхонага тегишли думалоқ муҳр ва бурчак шаклидаги штамплар
бекор қилинади. Ушбу корхона кредиторлари Тошкент ш., Х.Бойқаро кўчаси, 92-уй, Бектемир туман ДСИ
биноси, 213-хонага муурожаат қилишлари мумкин. Кредиторларнинг барча эътироз ва даъволари эълон босилган
кундан бошлаб 2 ой мобайнида Бектемир туман ДСИ биносида қабул қилинади. Тел. 295-35-76.**НОРМА МАСЛАХАТЧИ**СОЛИКЛАР
БУХГАЛТЕРИЯ
ХУКУКБОШ МУҲАРРИР
ФАРХОД ҚУРБОНБОЕВТАҲРИРИЯТ МАНЗИЛИ:
Тошкент ш., Миробод тумани,
Таллимаржон кўч., 1/1
E-mail: sbxaxbor@mail.ruНашр учун масъул:
Нодир АлимовМуаллифлар фикри доим ҳам тахририят нуқтаи назарига мос келмавермайди.
Тахририят огоҳлантирадиги, газетамизда мавжуд ахборотдан фойдаланганлик, фойдаланмаганлик ёки мувофиқ равишда
фойдаланмаганлик билан боғлиқ ҳар қандай ҳаракатлар ва/ёки оқибатлар учун тахририят жавобгар эмас. Тахририят
муштарийлар билан ёзишиб туриш имкониятига эга эмас.
"Норма маслаҳатчи" да эълон қилинган материалларни тўлиқ ёки қисман кўчириб босиш, электрон ва бошқа манбаларда
кўпайтириш, тарқатишга фақат "Норма" МЧЖ билан тузилган шартнома асосида йўл қўйилади.Газета тахририят томонидан тайёрланган диапозитивлар ёрдамида "ТОПРИНТ" МЧЖ
босмаҳонасида босилди (Тошкент ш., Миробод тумани, Таллимаржон кўч., 1/1).
Индекс — 186 Буюртма 617 Адади 5225. Баҳоиси келишилган нархда
Газета 2010 йил 12 июнда соат 12.00 да топширилади.
ISSN 2010-5223